

KASI INE NINGATONDA ULI?



Tiyeni tisindamiske mitu yithu kuti tirombe.

Wadada w̄ithu, ise tikumuwongani Imwe, mlenji uwu, chifukwa cha nyengo yiweme iyi ya kwizaso pamoza, na kuti tijure Mazgu gha Fumu, ghali apa panthazi pithu. Ndipo—ndipo na lurombo sono, kuti Mzimu Mutuwa watorenge icho ndi Chiuta, ndipo waperekenge Ichi kwa ise, mwakuti ise tingamanya kufuma pa malo agha ghakusoperapo muhanyauno na mitima yakukondwa yakuzura na chimwemwe. Kuwona nkhongono Yinu yikuru ya uwombozi, Fumu, umo iyi yikuwombolera w̄amikoli na kuw̄apanga iwo w̄akumasuka, yikuvumbura kwa ise “vinthu ivyo vikaŵako, na ivyo viriko, na viti vizenge.” Ndipo ise tikumuwongani waka Imwe chifukwa cha vinthu ivi.

² Ise tikuromba kuti Imwe mutitumbikenge ise apo ise tikusambira Mazgu Ghinu sono pamoza. Ndipo para ise tikuruta, nkhuromba ichi chiyowoyeke mu mitima yithu, apo ise tikwenda munthowa, “Mitima yithu yangugolera mkati mwithu apo Iyo, Mzimu Mutuwa, wanguyowoya kwa ise para ise tanguwa mu nthowa.”

³ Tumbikani mupharazgi waliyose muhanyauno, kulikose, w̄atntchito W̄inu awo w̄akugomezga Uwu, Unesko Winu. Zgorani malurombo ghawo gha w̄arwari. Chizgani mathupi gha w̄arwari gha iwo w̄eneawo w̄akusuzgika.

⁴ Fumu, ise tikuromba kuti Imwe murutenge kuwaro pakati pa w̄anthu ndipo penjanipo mbewu yira yakusankhikirathu kuwaro kula, Fumu, ndipo yiwezgereskeni iyi, mu nthowa yinyake, mwakuti Kuwara kuw̄arenge kunthazi mu nthowa, Fumu. Pakuti, ise tikugomezga kuti nyengo yikumara, zuwa likunjira mwankhongono kuzambwe, ntheura mwasonosono kuw̄enge kuti “nyengo yizamkuwa kuti yamara.” Nyengo na Umuyaya vilumikizanenge pamoza para Chiuta na w̄anthu Wake w̄akusazgana pamoza. Ndipo ise tikuromba, Chiuta, kuti, pa nyengo yira, kuti ise tizamkuw̄erengeka pamoza na iwo w̄eneawo w̄azamusazgikana mwa Khristu, awo w̄akuchemeka Mkwatibwi Wake.

Tivwireni ise, muhanyauno, apo ise tikunozgekera, kwambura kumanya icho chiriko namachero, kweni ise tanozgeka kupokera chirichose, Fumu, umo ise tikumanyira, icho Imwe muli nacho cha ise. Ise tanozgeka kupokerera ichi. Ise tikuromba thumbiko ili ku uchindami wa Chiuta, mu Zina la Yesu Khristu. Amen.

Imwe mungakhala pasi.

⁵ Ine nangukondwa chomene, mlenji uwu, para ine nanguti nanjira muno ndipo nanguwona kuti—wanthu wawungana pamoza ku chisopo cha Fumu. Ndipo ise tikupereka vyakulengeza sono vya usiku uwu. Kuwenge chisopo cha machirisko usiku uwu. Ise tiromberenge warwari, usiku uwu. Nyengo zichoko waka zajumpha, iwo. . .

⁶ Apo ine nizanga, Billy, mwana wane mnyamata, wanguniphalira ine, wanguti, “Muli—bwana muno, uyo ndi mwanarumi waka mukavu uyo watchika galimoto kufumira kutali.” Ndipo wanguti, “Ine—ine nangumuwika iyo mu chipinda, Adada.”

⁷ Ine—ine nk hafika mwakutchedwa usiku wamara, ndipo—ndipo ntha nanguwazga mwakukwanira pa chisambizgo cha Sande sukulu icho ine nate niyowoyengapo, mlenji uwu. Ntheura ine nangutora manotisi ghanyake ghachoko agho ine nk hatora kufuma ku icho ine nk hapulika m’bale munyake wakuyowoya, ndipo nk hatora kufuma ku makani ghara, kuti niwe ngati na chisambizgo cha Sande sukulu mlenji uwu; ndipo apo ise tikunozgekerera, na kujipanga wakunozgekerera ku chisopo cha kumise.

⁸ Ndipo Billy wanguti, “Muli mwanarumi mkati mula uyo ndi murwari.” Wanguti, “Ine—ine—ine nakhumbanga nthena mwanguyenderako ndipo mukamuwone iyo.” Ntheura, ine nangunjira mu chipinda sono nthena. Ndipo m’bale pafupifupi wa msinkhu wane, na muwoli wake, wakhalala mkati mula. Ndipo Mzimu Mutuwa wangwiza pakati pithu mu chipinda sono nthena.

⁹ Ghanaghanani waka, kuzunura waka za chisopo cha machirisko, ndipo Iyo waka wa apo. Mukuwona? Ndipo Iyo wangumuphalira m’bale uyu vyose ivyo iyo wakachita, na ivyo iyo wakhalala wakuchita, na icho chikayambiska suzgo lake, na uko iyo wakafumira, na vyose vya iyo. Ndipo panguwa muzgezge ukuru ufipa walendera mu chipinda. Pamanyuma uwu ukayamba kupwalarika pachoko pachoko, pachoko, na pachoko, pamanyuma Mzimu Mutuwa ukatora ulamuliro.

¹⁰ Sono, ine nk hugomezga kuti mwanarumi wali mu. . . pamalo ghanyake kumanyuma uku sono. Iyo na muwoli wake panyake wangatondeka kunjira mu nyumba, kwani iwo wanguyowoya kuti iwo wakhalirenge, munthowa yiriyose, ku chisopo. Iwo wakufumira kunena chakudera ku, kufupi na Yakima, Washington, ndipo wafika pa galimoto. Ndipo iyo ndi mupharazgi wa Ivangeli.

Kwani kuwona waka uchizi wa—wa Chiuta kula! Uko, munthu waka wa ku malo gha wakuzweta mitu ndipo wakapokera mankwala na chirichose. Mzimu Mutuwa kuvumburanga chose ichi. Penepapo, madokotala ghakayezganga chomene kuchita chirichose iwo wakamanya

kuchita, panyake, kuchitira mwanarumi, kweni ichi chikatora waka kukhwaska kunyake kuchoko kula kufumira kwa Chiuta, kuti wawezgere kumanyuma jigha. Mankhwala ghakuzizimuska ngaweme waka, kweni agha ghali ngati icho ise tingachema kuti “mankhwala gha jekiseni mu mdima,” imwe mukumanya. Imwe, agha panyake ghangamupangani imwe kurwara chomene, wonani, chifukwa imwe mbwenu muruwenge chirichose imwe mukamanyanga, para iwo wawika munkhwala ula mwa imwe. Kweni Fumu Chiuta, umo uliri uchizi Wake na lusungu! Ndipo nanga ndi pambere ine nkhaŵa nindapereke lizgu la lurombo kumurombera iyo, ili likaŵa kuti lamara kale. Mukuwona? Ichi chikatorera waka chinyake chira cha Chiuta, kukhwaska kunyake kula, kuti kuchite ichi.

Ine nthā nkhuŵenera kuti niyowoye ichi. Enya. Ine nkhuŵenjapenja, nimuwone mwanarumi sono. Enya, ine nkhamanya yayi kuti kwali imwe mwizenge muhanyauno, panji yayi.

¹¹ Kusika ku muzi uko ine nakhalanga, sabata iyi. Ine—ine—ine nkhuŵatemwa wabwezi wane kusika kula. Ndi holide lichoko pambere ghandayambe maungano ghakuru agha, imwe wonani. Ndipo ine nkhwiza kunyumba, kuti nirute kusika kula na kuruta kukazengera wabenga na wabale aŵa. Ndipo banja ili, mabanja, mphanyiko, agho ine nkukhala nagho kusika kula, mwakufikapo ndi wanthu waweme chomene. Ndipo mwanarumi, m’bale mweneko, wabwezi; iwo wali.

Ndipo yumoza wa iwo ndi wakutemwa chomene wa—wa ntcheŵe zakuzengera. Ndipo iyo wali na chitupa chakuzura na izo kumtunda kula. Ndipo—ndipo ine nkhwona ntcheŵe yichoko yakutowa chomene kusika kula ya mtundu wa hound, kanthu kachoko, ndicho ine nkhuŵema za iyo, “hafu ntcheŵe mu utali wakuyimilira ndipo ntcheŵe ziwiri mu utali wakuthambalara,” imwe mukumanya, iyo—iyo yikachimbiranga kuzingilira nyumba kula. Ndipo ine nkhanghanaghana, “Mwe, kasi Joe wangatemwa yayi kuŵa na yinyake ngati yira!”

¹² Ndipo, nkhumanya, kula mu Arizona, wangayigwiriska ntchito yayi iyo. Iyo mbwenu yinjirene mu thengere la makuni gha minga, ndipo ula ukati uŵenge umaliro wa iyo. Ntheura pamanyuma ine nkhuŵowoya, naneso, “Iwe ungaŵa nayo yayi iyi. Iwo nthā wakugwiriska ntchito ntcheŵe mkati mula, mu chigaŵa chira cha charu. Chifukwa, iwo, enya, iwo wangazigwiriska ntchito yayi izi. Iwo mbwenu. . . nawoso, mphepo, a—kaŵiro ka charu ntcha makuni gha minga, ndipo izi mbwenu zifwenge.” Ndipo ntheura, yeneko, ntcheŵe ya mtundu wa hound kuwaro kula, a—mphumphi, panji chinyake mbwenu chikomenge iyi, panyake, munthowa yiriyose, usange iyi yingafuma kuwaro.

¹³ Ntheura pamanyuma mwanarumi uyu wakati kwa ine, “Iwe

ungamanya kuyitora waka iyi.” Kweni ine—ine nkhatondeka kuyitora iyi. Ine—ine nkhawonga ichi. Nkhati nafufuza, yikaŵa yimoza ya ntcheŵe zake zakutemweka.

¹⁴ Ndipo mwanarumi uyu wali na muwoli muchoko wakutemweka na ŵana ŵachokoŵachoko. Ndipo dazi linyake, mwanakazi wakayamba kuchita rivesi galimoto yake, ndipo iyo wakaŵa na galimoto iyi yakale ya Oldsmobile. Ndipo ntcheŵe yichoko njitali waka kufika chamudera *umo*, kamwana waka. Ndipo iyo wakayendapo nkhanira pachanya pa iyi. Galimoto yira ya Oldsmobile kwendanga nkhanira pachanya pa kantcheŵe kachoko, mu msana wake *apa*, ndipo yikakatinyira pasi iko, uko malibwe mu msewu ghakalasa pa nthumbo yake yichoko pasi kula, imwe mukumanya. Ndipo—ndipo muwoli muchoko, m’*malo* mwakuruta na ntcheŵe yichoko ku chipatala cha vinyama. . . Nkhumanya, wa chipatala cha vinyama nthena wakayipanga waka iyi kugona tulo nyengo yira, na kuyikoma iyi. Mukuwona?

Pakaŵa mwanarumi munyake mwanichi wakaŵa na ine. Ndipo para iyo wakati wafika waka kula, wakati, “Usange yira yikaŵenge ntcheŵe yane, ine nthena nangulasa iyi.” Wakati, “Mbwenu kwamara. Kuzomerezga iyi kusuzgika ngati ntheura?”

¹⁵ Ine nkhati, “Enya, tingayilasanga yayi iyi.” Ine nkhati, “Tiye tilindizgepo pachoko.”

Nkhapanga waliyose kuti wafumepo, ndipo nkharuta ndipo nkhairombera iyi. Ntcheŵe yichoko yikanirondezga ine pa khonde. Ndipo iyo, enya, iyo. . . Mukuwona? “Vinthu virivyose imwe mukukhumba, para imwe mwaromba, gomezgani kuti imwe mwapokera ichi; imwe muŵenge nacho ichi, chipikenge kwa imwe.” “Vinthu virivyose.” Uyo ndi Fumu yithu Chiuta, ndi ntheura yayi ichi? Iyo ndi—Iyo ngwakuziziswa ndipo muweme chomene. Ndipo ise tikumutemwa chomene Iyo, mlenji uwu; ndipo tikukhazga kwa Iyo, ndipo kumanyanga. . .

¹⁶ Nkhawona, dazi linyake, a—banja lilara, mama na dada wa membara muweme chomene wa ili—gulu ili la ŵakugomezga. Ndipo mama ndi, o, ine nkhusachizga iyo wali kufupi kufika handiredi, ndipo dada wali, nayoso. Ndipo chamudera mu virimika thweluvu mwanarumi uyu wakafumapo yayi; pa msana wake, chigonere waka mwakunyoroka. Panji, wakatondekanga kugonera kumphepete kwake, panji kunyake. Wakagona nthena virimika thweluvu. Msinkhu wake wa uchekuru. Ndipo mama sono wali pafupifupi ngati msinkhu wake, ine nkhusachizga, chamudera munyake umo kufupi ku handiredi, ndipo gogo mulara wachitima pafupifupi wali kuzweta kamutu. Iyo wakughanaghana kuti munyake wakutora vyose ivyo iyo wali navyo.

Ndipo ine nkhalawiska pa. . . sirya la thebulo, kwa ise tose, ŵanichi na ŵalara, takhala kula. Ndipo ine nkhati, “Kasi

ise tikuyankhu? Kasi ise tikuchita vichi?” Ndipo dona uyo ine nkhakhalanga nayo nyengo yira, yura wakaŵa mama na dada wake. Ndipo ine nkhati, “Imwe mwarazga nthowa yira, namweso. Ndendende, waliyose wa ise.” Mukuwona?

¹⁷ Ghanaghanani waka za ichi, kanyengo waka, pambere ise tindayambe chisambizgo chithu. Kula ndiko imwe mwarazga. Ntchifukwa uli imwe mukutokatoka nthoura? Mwakuti imwe mungakhala ŵamoyo. Kasi imwe mukukhalira umoyo chifukwa cha vichi? Mwakuti imwe mufwe. Kasi uku kungaŵa kupusa kukuru yayi usange ise tikazomera yayi nthowa yakuperekeka na Chiuta ya Umoyo Wamuyirayira? Kasi ise tingaghanaghana vichi? Kasi—kasi paŵenge vichi pa malingaliro ghithu, icho chingamanya kukopera tcheru chithu kufuma...ku chinthu chinyake? Uli usange imwe mukaŵa na madolazi handiredi miliyoni, ndipo imwe mukaŵa na chigaŵa cha—cha Indiana, panji chigaŵa chinyake chirichose, panji nanga ndi charu chose, panji, umo icho chikukhwaskira, charu chose?

Imwe kukhala umoyo nyengo yitaliko, imwe mukwenera kuti mufike ku icho, namweso. Mukuwona? Ndipo rutaruta, dazi na dazi, nyengo yiriyose para mtima winu ukutchaya, imwe mukuruta nkhanira ku icho. Mukuwona? Imwe, kulije kuwina kwa imwe. Imwe muli ku chigaŵa cha kuluza, ndipo, imwe, imwe mukwenera kuti muluze. Kweni kumbukirani phangano, lakuti, “Iyo mweneuyo watayenge umoyo wake chifukwa cha Ine wati wausangenge uwu.” Sono, kasi chiŵenge chivichi chakuzirwa chomene icho mungasanga chakuruska Umoyo, nangauli imwe mukasanga charu chose kuŵa chinu? Kweni, usange imwe—usange imwe mwasanga Umoyo, imwe mukasanga chinthu chikuru chomene icho chikamanya kusangika. Ine nkhukhumba kuti... .

¹⁸ Nalaŵiska kumazere kwane ndipo nawonaso, sono nthena, chikho chinyake cha uchizi wa Fumu. Pafupifupi masabata ghachoko ghajumpha, ine nkhayimbirika foni. Ndipo membara wakutemweka wa mpingo uwu, panji thupi ili... .Ine nkhukhumba yayi kuchema uwu chomene ngati mpingo. Ine—ine nkhukhumba kuchema uwu, kuti... .

Umo ine nkhayowoyeranga ku ŵanthu ŵanyake, iwo ŵakati, “Enya, kasi iwe uli mu mpingo uli?”

Ine nkhati, “Ine nthanda ndiri mu... .”

“Kasi iwe uli mu mpingo uli?”

Ine nkhati, “Palije.”

Wakati, “Enya, kasi iwe uli mu vichi?”

Ine nkhati, “Ufumu.”

¹⁹ Ufumu! “Ndipo na Mzimu umoza ise tikubapatizikira mu Ufumu ula.” Na Mzimu umoza, tose, mu Ufumu uwu! Yesu wakati, “Rombani, ‘Ufumu Winu wize. Kukhumba kwinu

kuchitike pa charu chapasi, umo kuliri Kuchanya.” Sono, Iyo wakayimilira dazi limoza panthazi pa Phiri Lakusandulika, Iyo wakati, “Inya Ine nkhumunenerani imwe, kuti wânji wáyimilira pano, ntha wázamkuyilaŵa nyifwa, kufikira kuti iwo wawone Ufumu ukwiza mu nkhangono.” Ichi chikawoneskekerathu, umo ise takhala tikujumphiramo ichi, Phiri Lakusandulika. Ndipo Baibolo likati, “Ufumu wa Chiuta uli mkati mwinu.” Ntheura, uwu ndi Ufumu uwo wânthu wákuyowoya kuti apa ndi pakwawo yayi. Pano ndi pakwithu yayi. Ise tikulindizga Kwiza kwa Fumu, wakhazikiskenge Ufumu.

²⁰ Ine nkachemeka pa chakuchitika chakubuchizga, cha—m’bale mulara uyo wali kuŵa ngati dada kwa ine. Ndipo iyo...Ine ntha nkhamumanya iyo kale chomene, kweni ine nkhekumbukira dazi apo ine nkhamutorera iyo kuno ku ubapatizo wa maji. Ndipo mwanarumi mwasonosono wawenge na virimika nayinte-wanu vyakubabika. Ndipo muwoli wake wakutemweka wakandiyimbira ine, ndipo iyo pakuŵa nasi, wakati, “Iyo wakaŵa na kubanika kukuru kwa mtima.” Kusazgirapo icho, iyo wakaŵa...O, ine nkhuchema... nkhutondeka kuyowoya zina. Suzgo la mtima. [Mlongosi wakuti, “Msempha wakuruta ku mtima.”—Munozgi] Suzgo la msempha wakuruta ku mtima, na kubanika kukuru kwa mtima. Dokotala wakapereka vigomezgo virivyose yayi, munthowa yiriyose. Ndipo mwanarumi wakafwanga, ndipo iyo wakandichemeska ine.

²¹ Ndipo ine nkhanjira mu Ford yane yichoko yakale, ndipo nkhaiyamba ulendo kuruta ku Ohio, mwankhongono umo ine nkhamanya kuchitira, ndipo nkhamanya yayi, chimoza cha yangerengere vyane chikakhala mu malo ghake yayi, chikakelura tayara la ichi. Ndipo ntheura pamanyuma, ine nkharuta kunena kula, nkhaŵa wakudandaula na iyo, ine—ine nkhumutemwa iyo. Ndipo ine nkhumanya, usange—usange ichi chikurutilira, para Fumu yachedwerapo, chifukwa, mwasonosono panji nyengo yinyake kunthazi, ise tikwenera kuti tizakapatukane yumoza na munyake.

²² Kweni, icho ntha chitimbanizgenge Mkwatulo, sono. Mukuwona? Chara. Iwo wákudankha kuwuka, ntheura. Iwo wáli na mwaŵi, awo wáli kudangirako. Iwo wázamudankha kuwuka. Mukuwona? Mukuwona? “Ise taŵeneise tiri wamoyo ndipo tikukhalirira, kufika ku Kwiza kwa Fumu, tizamuŵajandizga yayi panji kuŵatondeska iwo weneawo wákugona tulo. Mbata ya Chiuta yizamulira; wákufwira mwa Khristu wázamudankha kuwuka. Ntheura para maso ghithu ghakulaŵiska wákutemweka wíthu, ntheura ise tizamkusinthika, mu kanyengo, mu kuphayira kwa jiso, ndipo na iwo tamkukwapulikira muchanya pamoza.” Mukuwona?

Weneawo wakudankha kuruta wáli na mwaŵi kuruska iwo weneawo mbamoyo.

²³ Apo ine nkhafumangapo pa steshoni, pa eleveni koloko, Mzimu Mutuŵa wakayowoya kwa ine, “Reka kudandaula za iyo. Iwe uzamukorako chasa chake, pa msewu kamozaso, ndipo iyo wazamkwiza mu tchalitchi,” mwanarumi virimika nayintewanu vyakubabika, wakafwanga.

Para ine nkhati nakumana na muwoli wake na wakutemweka wake mu chipatala ku Lima, iwo wakaniphalira ine za kaŵiro kake. Nkhanira, nkhamuwona iyo mwenemula. Iyo wakati, “Kweni iyo ndi chinyake chachilendo.” Wakati, “Iyo—iyo wanguyamba kusinthira ku uweme, pa eleveni koloko.” Enya, ndipo ine... Fumu yikaŵarongora wanthu vinthu vinandi chomene, iwo wakumanya kuti ine nkhayowoyapo yayi icho. Chifukwa, iwo wakayowoya kwa ine pakudankha, “Iyo wakayamba kusintha.” Iwo wakamanya kuti ine niŵaphalirenge unenesko iwo.

²⁴ Ntheura, pa Sabata yamara, apo ine nkhanjiranga mu Blue Boar Cafeteria mu Louisville, uko ine nkbugomezga kuti pakunji eyite pa handiredi wa gulu ili wakuwungana pa Sabata kumuhanya, kuti wárye, kasi ine nkawona njani wakukhira pa msewu? Ine nkhumuphalirani imwe, mtima wane ukanjjenjema para ine nkhati nawona M'bale withu Dauch wakwiza wakukhira na msewu, ndendende icho Iyo wakaniphalira ine. Ine nkakorako chasa chake, pa—pa msewu.

²⁵ Ntheura ine—ine nkhiba kuno pa Sabata yamara usiku ndipo nkayowoya pa chisambizgo cha kukoleranako, cha *Kukoleranako Kwa Chimanyikwiro Cha Nyengo*. Ntheura... Ndipo ntheura icho chikapangiska icho kukwaniriskika, icho Iyo wakayowoya. Ndipo apa iyo wali mu tchalitchi muhanyauno, nkhanira muno pamoza nase, ngati chikho cha uchizi wa Chiuta. Para nkakorangako chasa chake wali mu hema, hema lakupokeramo mphepo ilo iyo wakaŵamo, ine nkhati, “M'bale Dauch, iwe uŵenge makora. Ine nizamkukuwonaso mu tchalitchi. Icho, icho ndi NTHEURA WAKUTI YEHOVA.” Mukuwona? Apa iyo wali mu tchalitchi, nkhanira muno sono, M'bale Dauch.

²⁶ Usange ine nkunangiska yayi, mupharazgi uyo ine nayowoyanga, nyengo zichoko zajumpha, mzimu Mutuŵa wakiza ndipo wakavumbura vinthu vyose ivi; wakamuphalira iyo umo ichi chikachitikira, ndipo wakamuphalira iyo icho iyo wakachita; umo ichi chikachitikira, umo ichi chikakwaniriskikira, vyose ivyo vyakhala vikuchitika kufumira nyengo yira, nanga ndi nkharo ya banja lake, na vyose vya icho. Ndipo nkhamuphalira iyo, kuti, “Ili lamara.” Ndipo mupharazgi wali nkhanira kudera uku, ku woko lamaryero. Uli iwe ukwezge

waka woko lako, bwana? Uko, iyo na muwoli wake, ndendende, sono nthena.

Apa pakhala M'bale Dauch, nkhanira muno sono. O, mwe!

²⁷ Ngwakuziziswa yayi Iyo? “Vinthu vira ivyo vikaŵako, ivyo viriko, ndipo vizamkufiskika.” Yumoza, ŵawiri, ŵakaboni ŵatatu. “Vinthu ivyo vikaŵako, ivyo iwe uli kuchita; vinthu ivyo vikuchitika sono; na vinthu ivyo vizamuchitika.” Ndipo nyengo yiriyose, ndendende, ndendende pa Mazgu. Ndi Chiuta yekha wangachita icho. O! Ndise ŵakukondwa yayi ise chifukwa cha vinthu ivi?

²⁸ Sono, chifukwa icho ine natoreranga waka nyengo yakusazgirapo pachoko, Billy wanguyenera kuti warute wakatore muwoli wake na mwana. Ndipo iyo wanguti, “Adada, kuyamba kupharazga yayi mpaka ine niwerekoko.” Ntheura, ine—ine nkhuomezga kuti iyo wafika wali kumanyuma sono. Ndipo ine nanguyenera kuŵa na nyengo yikuru ntheura, munthowa yiriyose. Ndipo ine nkhuyezga kuti ndifumeko ku maora ghanayi agha ghakuvuska agho ine nkhumusunganimo mose imwe muno, na kupanga uwu sate-fayivi, maminiti fote, imwe wonani, ndipo nkhuyezga kusunga ichi.

²⁹ Sono, ine nkharumbika nyengo yimoza mu Chicago. Ine nkachita uwu maminiti sate, panji chinyake, maminiti sate-fayivi. Ndipo pa Sabata yamara usiku ghakaŵa waka maminiti fote-fayivi. Billy wakati, “Imwe mukuchita makora, adada. Ine nkhumunyadirani imwe, pa icho.”

³⁰ Enya, panyake, mlenji uwu, kuti nipange uwu kuŵa mtundu uchoko wa Sande sukulu, ine ntha nimusunganinge nyengo yitali chomene yitali chomene. Ntheura imwe mungamanya kuruta na kukaŵa na chakurya chinu cha pamuhanya, na kupemphera, na kwizaso usiku uwu ku visopo vya machirisko. Ise tizamupanga mzere wa pemphero usiku uwu na kurombera ŵarwari.

³¹ Sono, usange imwe mukumanyapo ŵanthu ŵanyake ŵatizingilira, awo mbarwari ndipo ŵakukhumba kuti ŵarombereke, imwe mukize nawo kuno usiku uwu. Mukuwona? Usange imwe mungiza nawo, munthowa yiriyose, mwize nawo kuno. Mukuwona? Icho ndicho chinthu cheneko, ntchakuti, mwize nawo kuno usiku uwu. Ise tose tikukumana pamoza. Nthowa iyo... Ntchinonono kuyimba mafoni, kurutanga malo na malo; ntheura iwe ukumureka munthu munyake, ndipo pakuŵa kakhwaskikiro kanonono. Kweni usange ine ningaŵaŵika wose pa malo ghamoza, ntheura ine ningamanya kuŵarombera iwo. Sono, usange imwe... Usange ŵanthu ŵakukhumba kuti ŵarombereke, iwo... Imwe mukuti, “Kasi iwo?” O, nadi. Iwo ŵazamkupempherereka. Zanginge nawo. Para Fumu yazomezga, ise tizamkuŵa kuno, kuzakarombera munthu waliyose. Chifukwa, ine nkhuwona kuti chikoka chachitatu chira chikwamba kuchitika, imwe wonani, na—

mkati mwane. Ndipo ine—ine—ine nkhuumba kuti nirombere munthu waliyose.

³² Sono tiyeni tijure, mlenji uwu ku Lemba lakale tikulimanya uko ine nkhaŵa ngati nkhatona mwakufulumira usiku wamara, pakuŵa kuti nkhapulikanga tulo chomene, ndipo nangulemba Malemba ghakusazgirapo pachoko kuti niyende na ichi. Ndipo kutoranga ngati ghakukhozgera. Ine nkhamupulika m'bale munyake, nyengo yimoza, wakagwiriska ntchito makani agha. Ndipo ine nangughanaghana... Ine nangulemba ichi. Ine nangughanaghana, “Enya, ine nkhuomezga kuti ine nilembenge waka ichi, chifukwa ichi panyake chingazakanivwira kunthazi.”

Nyengo zinandi ise tikuchita icho. Ine nkhuwona, ŵanandi ŵa imwe muno, muli na kachiduswa ka pepala. Ndipo mupharazgi wangamanya kuyowoya chinthu chinyake, ndipo nthura iwe—iwe ukhwaskenge fundo yira, chinthu chinyake chikulasange mkati mwako. Ndipo nthura usange ndi Mzimu Mutuŵa wakuchita icho, nthura iwe uyambenge kuzenga kufumira nkhanira pa malo ghara, uthenga wa Fumu. Ndipo icho chiri makora. Ine niri kuwona mu maungano, kulikose iwe ukuruta, ŵapharazgi waka na ŵanthu kulembanga. Icho chiri makora. Ise—ise tiri kuno, icho ndicho ise tiriri kuno, ntchakuti tiyezge kuti tivwirane yumoza na munyake mu maulendo agha.

³³ Ndipo sono tiyeni tijure ku Chivumbuzi, chipatulo 3, ku miwiro ya mpingo, kuwerezga muwiro wa mpingo. Kweni sono ise tiri...ise...kula. Enya. Ine ningamanya kutona makani ghamoza agha, ndipo na Mzimu Mutuŵa, kupharazga pa Ichi virimika handiredi ndipo nthura kumarizga ivyo viri mu Ichi. Chifukwa, mu makani ghamoza agha, ngati makani ghanyake ghose gha Baibolo, Igho ghose ghari kukakiririka pamoza.

Ndipo ine nkhuumba kuti nitore chisambizgo chane, mlenji uwu, cha agha: *Kasi Ine Ningatonda uli?* Sono, ine nangusankha ichi chifukwa chakuti ine nkhuomezga kuti iyi ndi nyengo yakuti ise tingazomerezganga yayi kuti Mzimu wa chisisimuso ufwe. Ise tikwenera kuti tikhalirire mu chisisimuso, rutaruta kuisimuskikanga, dazi lililose. Paulos wakayowoya kuti iyo wakayenera kuti “wafwenge dazi lililose, mwakuti Khristu wangamanya kukhala wamoyo.” Ndipo ise tingazomerezganga yayi chisisimuso chira kuti chifwe, mwa ise.

Sono, Chivumbuzi, chipatulo 3, ndipo kuyambira vesi 21, ise tikuŵazga ichi.

Kwa iyo mweneuyo wakutonda ine nimuzomerezgenge kuti wakhale pamoza na ine mu chizumbe chane, nanga ngati ndi umo ine... nkhatondera, ndipo nakhala pasi na Adada ŵane mu chizumbe chawo.

*Iyo mweneuyo wali na khutu, rekani iyo wapulike icho
Mzimu ukuyowoya ku mipingo.*

³⁴ Kasi imwe mwanguwona—kanozgekero ka icho? Mukuwona? “Wakhalenge na Ine *mu* chizumbe Chane,” ntha “*pa* chizumbe Chane.” “*Mu* chizumbe Chane,” icho ndi mu chigaŵa Chake. Mukuwona? Ndipo kula, umo—umo Khristu waliri Mulamuliri, Mulamuliri wa chizumbe pa nyengo iyi, wa chigaŵa chathunthu cha Chiuta, ntheura Mpingo uzamkuŵa na Iyo, Mkwatibwi wazamkuŵa na Iyo, mu chizumbe Chake, mu chigaŵa chathunthu. Mukuwona? Ntha “*pa* chizumbe Chane,” kweni “*mu* chizumbe Chane,” wonani, uko chigaŵa Chake chikufika. Chizumbe chikulamulira chigaŵa, ndipo—ndipo chigaŵa chikufika uko mphaka zake zikufika. Ndipo ichi ndi kufuma ku Umuyaya kufika ku Umuyaya. Ghanaghanani waka za ichi!

³⁵ Sono, apo ise tikusambira ichi, chakulinga chane cha ichi ntha ndi kwiza waka kuno kuti—kuti nizakasope na mwaŵanthu imwe. Cheneicho, ine nkhutemwa kuchita icho. Kweni usange—usange ine nkhaŵenge na mwaŵi kuchita icho, ine mbwenu nifikenge ku nyumba kwinu, na kukorako chasa chinu na kuyowoya namwe, na kukhala pasi, kurya chakurya pamoza na imwe; na kukhala pasi, kusi kwa mufwiri wa khuni, na kuyowoya na kuchezipa pa kanyengo.

Kweni para ise tafika kuno, ise tiri kuno pa chakulinga chimoza cheneko. Iyi ndi nyumba ya kusambizgikiramo. Ichi ndi chizumbe. Ichi ndi Chizumbe cha Chiuta, ndipo cheruzgo chikuchitikira mu nyumba ya Chiuta. Ndipo muno ndimo ise tikuwungana pamoza, tikuwungana mu chitemwa, yumoza na munyake, umo ndi Wakhristu ŵekha pera ŵangamanya kutemwana. Kweni, mkati muno, ise ndise—ise tiri pasi pa a— a—urongozgi wa Mzimu Mutuŵa. Mzimu Mutuŵa wali pakati pithu. Ndipo ise tiri muno kuti tiŵe . . . tipange kafukufuku wa taŵene, kuti tiwone apo pali kupereŵera kwithu, kunangiska kwithu, ndipo kasi ise tingafika uli uko ise tikwenera kuŵa, kufika uko ise tikwenera kuŵa sono; apo ise tiri, na uko ise tikwenera kuŵa. Ndipo icho ndicho ise tikusambira. Wapharazgi ŵakusambira vigaŵa ivyo, kuchitira ŵanthu ŵawo. Para iwo ŵakuwona ŵanthu, ŵakusoŵeka, ntheura iwo ŵakuyambira pa icho.

³⁶ Sono, mwasonosono, ine nkughanaghana kuti mpingo panyake ukwenera kuti uyambe kutora sitepu yakukwera muchanya pachoko pa nyengo iyi. Ine ntha nkughanaghana za kuchita ichi mlenji uwu, cha kumuwoneskani imwe vinthu ivi. Kweni ine—ine nkughanaghana, mwasonosono, para Fumu yazomerezga, pambere ise tindapharazge pa Mbata zira, ine nkukhumba kuti—kuti—kuti niumanyiske Mpingo chinyake waka icho—icho imwe mukwenera kuti mumanye, ine nkugomezga, sono.

³⁷ Ndipo sono ise tikuyowoya pa ichi, “kutonda.” Lizgu lakuti *kutonda*, nkhumanya, imwe mukumanya icho ili likung’anamura. Imwe mukwenera kuwa na chinyake chakuti mutonde. Ndipo muwiro wa mpingo uwu uwo Mzimu Mutuwa wakayowoyanga apa, pa Muwiro wa Mpingo wa Laodikeya, umo ise tamarizgira waka uwu, ukakhumbikwanga ntchenyo. Laodikeya wakayenera kuti wachenyeke, chifukwa cha kake—kachitiro kake kakulekana kwa Khristu. Uwu ukamuwika Khristu kuwaro, mu—mu muwiro wawo. Ndipo Khristu wakaŵa kuwaro, kuyezganga kuti wanjireso mkati. Icho ndi chitemwa. Pamanyuma pakuti Iyo wakati waŵikika kuwaro kwa nyumba Yake Yekha, wakayezganga kuti wanjireso, ndipo wakati, “Iyo mweneuyo wajurenge chijaro, Ine ninjirenge kwa iyo.” Mukuwona? Mpingo, iwowene, mu uzari wose, ukamuwika Iyo kuwaro.

³⁸ Kweni sono wonani. Ntchemo yake apa nthā nja ku mpingo pera. “Iyo mweneuyo wakutonda.” Mukuwona? Nthā mpingo; uyo wangamanya kuwa mwanakazi, wonani, thupi la mpingo. Kweni ndi “iyo mweneuyo wakutonda,” munthu payekha uyo watondenge, sono.

³⁹ Ndipo Laodikeya wakaŵa na ichi chikizanga kwa iyo. Sono ise tikuwona, pamanyuma, kumanyanga kuti uwu ndi Muwiro wa Laodikeya, ndipo kumanyanga kuti muwiro uwu ukukhumbikwa ntchenyo yikuru kufuma kwa Chiuta. Uwu ukukhumbikwa ntchenyo yikuru. Ndipo para ŵaliska ŵithu ŵafoka chomene na ŵakulekerera, ngati sekuru munyake muchekuru ku ŵazukulu ŵake, chirichose iwo ŵakuchita ntchiweme. Ndipo iwo ŵali . . .

⁴⁰ Ichi chiri kuyowoyeka chomene, kuti Chiuta ndi Chiuta muweme, mpaka iwo ŵakuyezga kumupanga waka Chiuta kuwa sekuru mukuru wakulekerera. Imwe mukuwona? Kweni Iyo wali yayi. Iyo ndi Dada, ndipo Dada wa urunji, wa kususka. Ndipo chitemwa nyengo zose chikususka. Mukuwona? Chitemwa chikususka. Paliŵe kanthu kwali chikupweteka chomene uli, ichi chikususka ndithu.

Mama mweneko wasuskenge ŵana ŵake. Dada mweneko wasuskenge. Mukuwona? Usange mwazgoka waka ŵakufoka na ŵakulekerera, na kuzomerezga ichi . . .

⁴¹ Ine nkhayambukanga pa chigodo chakale dazi linyake, kusika—pakujimika, panji icho chikuchemeka chidambo. Ndipo ine nkhadukira pa chigodo ichi. Kuwaro, ichi chikawoneka chiweme, chikawoneka ngati chigodo chikuru chakale chakukhora. Kweni para ine nkhati nadukira pa ichi, o, chiŵarukwa chikuru cha ichi chikafumako. Ichi chikaŵa chakuvunda chomene na chakutapata mkati. Ine nkhati, “Umo ndimo Ŵakhristu ŵakuwira.” Iwo ŵakafwira mu kwananga na majuyvo, kale chomene, kufikira kuti iwo ŵakavunda.

Iwo wánganyamura yayi vizitu, munthowa yiriyoze. Iwo—iwo wákumanya yayi kasi kutonda chikung'anamura vichi. Ndipo ine nkhuymba kughanaghana za makani agha, ntheura. Kutonda, kukusunga Umoyo mwa imwe. Para umoyo ukati wafumamo, icho ndicho chikapangiska chigodo chira kuwa mu kaŵiro kala. Mukuwona? Ndipo agha ghakapanga ichi kunangika chomene kuruska kale para ichi chikaŵa ku munthavi uko maji ghakaŵa.

⁴² Ndipo ntheura, kula, imwe mutore Mukhristu, uyo wakwenera kuwa Mukhristu, kuzomerezga Umoyo wa Chiuta ufumemo mwa iyo, na chakumuchitikira, chimwemwe cha kumutumikira Khristu; na, kukhalanga mu tchalitchi umo vyantheura vikuchitika, iyo wakuvunda paŵiri mwaluŵiro chomene, nkhanira, kukhalanga mula.

⁴³ Ntheura, usange ise tikuyezga kurondezga Uthenga wa nyengo iyi, panji pafupifupi chigaŵa ichi cha Uthenga, ise rutaruta tikwenera kuti tikhalenge mu Umoyo wa Khristu. Mukuwona? Chifukwa, usange ichi chikuchitika yayi, imwe mukukhala waka, ndipo mukumanya kuti vinthu ivi ivyo imwe mukwenera kuti muchite, ndipo mukuchita yayi ichi, Baibolo likati, “Iyo mweneuyo wakumanya kuchita uweme, ndipo wakuchita yayi ichi, kwa iyo ndi kwananga.” Ntheura imwe mukuzgoka wákutapata, wákuvunda, para imwe mwafumako ku Umoyo wa Chiuta. Ntheura, limbikirani na chose icho chiri mwa imwe, kuti mukhale mu Umoyo wa Khristu, mwakuti imwe muwenge wákupambika chipaso.

⁴⁴ Ise tikuwona muwiro uwu umo ise tikukhalamo. Ndi umoza wa miwiro yamwaŵi chomene pa miwiro yose. Muwiro uwu wa Mpingo wa Laodikeya ndi wamwaŵi chomene pa miwiro yose ya mpingo, chifukwa ndi umaliro wa nyengo na kwamba kwa Umuyaya. Ndipo, pamanyuma, ndi muwiro wa kwananga kukuru chomene. Muli kwananga kunandi mu muwiro uwu kuruska uko kuli kuŵako. Ndipo nkhangono za Satana ndi—ndi zizonono kwandaniska kanandi kuruska umo zikaŵira mu muwiro uliwoze. Mukuwona?

⁴⁵ Kuno, kale kula mu miwiro yakwambilira, Mukhristu, chifukwa cha kuyowoya kwake kuti iyo wakaŵa mpingo... kuti wakaŵa wa Khristu, wakamanya kudumurika mutu pa chifukwa ichi. Iyo wakamanya kukomeka, na kumazga vitima vyake, na kuruta kukakumana na Chiuta, mwaluŵiro.

Kweni sono murwani wafika, mu zina la mpingo, ndipo ichi ntchakupusiska chomene. Uwu ndi muwiro ukuru wa chinyengo. Para, Khristu wakayowoya ntheura, “Mizimu yiŵiri yizamkuwa yakukozgana chomene mu mazuwa ghaumaliro kufikira kuti ichi chingamanya kupuruska Wákusoreka usange chikaŵa chamachitiko.” Mukuwona? Mukuwona? Mukuwona? Kumbukirani, Khristu wakayowoya za wanthu wákusoreka

ŵa mu nyengo yaumaliro. Mukuwona? “Ichi chingamanya kupuruska Ŵakusoreka usange ichi chikaŵa chamachitiko.” Wakukozgana chomene! Ŵanthu nthaura ŵakukhala, ŵanthu ŵangamanya kukhala umoyo wautozgi, umoyo utuŵa; nth kuŵa ŵakwananga, ŵavigoloro, na ŵakumwa, na ŵamaboza, ŵakutchaya njuga. Iwo ŵangamanya kukhala umoyo kuruska icho, ndipo kweni nth kuŵa na Ichi.

⁴⁶ Uwu ndi—muwiro wa Umoyo, Umoyo wa munthu pekha wa Khristu, uko, a—vyakupangira vya Thupi Lake, ivyo vikaŵa mwa Iyo.

Wakudankha, pasi pa kurunjiskika, ubapatizo wa maji. Wachiŵiri, pasi pa Kubabika kuphya, wa Wesley, kutuŵiskika, uko kukutozga. Ndipo wachitatu, pasi pa ubapatizo wa Mzimu Mutuŵa, kuŵika chisero chakutuŵiskika chira mu kutumikira. Mukuwona? Lizgu lakuti *kutuŵiska* likung’anamura, ndi lizgu la Chigiriki la ving’anamuro viŵiri “wakutozgeka na kunozgekera kukatumikira,” kunozgekera kukatumikira. Sono Mzimu Mutuŵa wakuŵika uwu mu kutumikira. Mukuwona?

⁴⁷ Ndipo ise tiwonenge, “Para mzimu uheni wafumamo mwa munthu, iyo wakwenda mu malo ghomizo.” Icho ndendende ndicho mpingo wachita, ŵa Baptist, ŵa Methodist, iwo ŵeneawo ŵakagomezga mu kutuŵiskika. “Ntheura,” Yesu wakati, “mzimu uheni uwo ukafumamo, ukuwereraso ku thupi ili la mpingo ndipo ukusanga nyumba njakutozgeka, njakuphyera makora, wakukhala umoyo wautozgi, maumoyo ghaweme.” Viri makora. “Kweni nthaura usange nyumba yira nth njakuzuzgika, mukukhala ŵanthu yayi, nthaura iyo wakunjiramo wali na mademone ghanyake seveni ghaheni kuruska umo iyo wakaŵira, ndipo siteji yaumaliro ya malo agha ndi kankhonde na kaŵiri kwanangika kuruska umo wakaŵira pakudankha.” Iwo nthena ŵakaŵa makorako kukhalirira ŵa Lutera, kuruska umo kungaŵira kupokera Kuŵara kula na kutondeka kurondezga Uku. Ntheura ndimo ŵachitirenge ŵa Pentekosite, wonani, imwe mukumanya icho ine nkhang’anamura, nyumba njakutozgeka.

⁴⁸ Apo ine nkhayowoyanga kwa munyake, dazi linyake, nkhati, “Iwo mbakupwelerera chomene, nanga ndi magulu ghanandi gha utuŵa, nth kuchema Mzimu Mutuŵa, ‘Mzimu Mutuŵa,’ chifukwa iwo wakujikozganiska iwoŵene na ŵa Pentekosite para iwo ŵakuchita icho. Iwo wakuti, ‘Holy Spirit,’ wonani, kukana kuyowoya kuti, ‘Holy Ghost.’” Chifukwa, ŵa Pentekosite, ŵanthu wamba, ŵakuchema waka Icho Baibolo likuyowoya kuti, “Holy Ghost.” Cheneicho, Holy Spirit na Holy Ghost ndi chinthu chimozi. Kweni iwo ŵakupwelerera chomene za ichi. Iwo ŵakukhumba yayi kumanyikwa pamoza na ŵanthu ŵara wakuyowoya-malilime; ndipo uwo ndi Holy Spirit, Iwowene. Mukuwona?

Kasi kukachitikachi panyuma? Para murwani, uyo wakafuma mu nyengo ya kutuwiskika, uyo wakachapika, wakizaso ndipo wakasanga nyumba yambura kuzuzgika na Mzimu Mutuwa, sono kukoleranako kwa mpingo kwajoyinana na—na mugwirizano wa mipingo, na Mphara ya Mipingo ya Charu. Ndipo ndi kukoleranako sono uko kukulumikiza uwu na Chikatolika cha Chiroma na vinyake vyose vya ichi, ndipo sono uwu nguheni kankhonde na kawiri kuruska umo ukawira para uwu ukati wafuma mu Chilutera. Kula ndiko munthu wakuwutorera uwu.

⁴⁹ Ndipo nthaura lawiskani pa Muwiro wa Mpingo wa Laodikeya panyuma pakuti uwu ukati wapokera Mzimu Mutuwa, ndipo na kumanya na Mzimu wa Chiuta mkati mu Uwu, ndipo panyuma milimo ya Chiuta yikukanika na uwu, ndipo ukuchema Ichi “mlimo uheni.” Nthaura mukuti uli na icho? Kula ndiko Khristu wakuwikika kuwaro kwa mpingo Wake Yekha. Mukuwona? Iyo . . . Ichi nthanda chikamuwoneska Iyo mu mpingo kufikira kuti ichi chikafika ku Laodikeya; ndipo para Iyo wakati wafika ku Laodikeya, Iyo wakaŵa kuti wawikika kuwaro kwa mpingo Wake, wakayezganga kuti wanjireso.

⁵⁰ Sono, wonani, kurunjiskika nthanda kukamuwika mkati Iyo. Kutuwiskika kukatozga waka malo gha Iyo. Kweni para ubapatizo wa Mzimu Mutuwa ukati wafika, uwu ukamuwika Iyo mu wanthu. Ndipo sono iwo wakamukana Iyo, para Iyo wakati wayamba kujivumbura Iyomwene, kuti Iyo ndi mweneyura mayiro, muhanyauno, na muyirayira. Iwo wakamukana Iyo chifukwa iwo wapanga bungwe, ndipo—Mzimu wa Fumu ukuzomerezgana yayi na bungwe lawo. Imwe mukupulikiska sono? Kuti, iwo wakamuwika Iyo kuwaro. “Ise tikuwumba kuchita chirichose yayi na kuwazga malingaliro uku. Ichi ndi—ichi nthanda devulu. Uku ndi kuwukwa. Panji . . .” Mukuwona?

Ivi wakupulikiska yayi. “Maso, ndipo wakuwona yayi; makutu, ndipo wakupulika yayi.” Mukuwona? Chiuta wakujura maso umo Iyo wakukhumbira. “Iyo wakumunonofya uyo Iyo wangamunonofya, Iyo wakukhumba kuchita, ndipo—ndipo—ndipo wakupereka Umoyo kwa iwo weneawo Iyo wakukhumba kuwapasa.” Icho ndicho Lemba likayowoya.

⁵¹ Sono, ise tikuwona maora agha agho ise tirimo, siteji iyi, ndipo ise tikuwona icho chikawako. Ndipo Mzimu Mutuwa wakuchena muwiro uwo ukamuwika Iyo kuwaro. Kweni, mu vyose vira, kasi imwe mwanguwona, “Kwa iyo mweneuyo wakatonda”? Nanga ndi mu wa charu ula, muwiro uheni wa mpingo, “Iyo mweneuyo wakatonda.”

⁵² Ise tikuwona apa kuti Chiuta nyengo zose wakaŵa na wakatonda. Iyo wakhala wakuŵa na wakatonda mu muwiro uliwose. Nyengo zose wakaŵako, nyengo yiriyose, mu muwiro uliwose uwo ukawako pa charu chapasi, Chiuta nyengo zose

wakaŵa na munthu munyake uyo Iyo wakamanya kuŵikapo mawoko Ghake, ngati kaboni mu charu chapasi. Iyo nthā wali kuŵapo kwambura kaboni, nangauli nyengo zinyake yumoza pera. Kweni munthu munyake wakutonda, sono, ngati ŵatuŵa ŵakale.

⁵³ Ndipo—munthu muweme chomene, wakusambira, wakayowoyanga, pamanyuma pa *Vididimizgo Seveni*, iyo wakati, “M’bale Branham, iwe pakuŵa—wakulinganizga, mulinganizgi, mphanyiko,” wakati, “kasi vingachitika uli mu charu kuti iwe ukuŵika Mpingo ula mu Mkwatulo kwambura kujumpha mu nyengo ya Kusauskika, mu chilinganizgo?” Iyo wakati. . .

Iwe wona, usange ichi ndi chilinganizgo, pakwenera kuti paŵe. . . pakwenera kuti paŵe. . . Usange kuli chakuyimira, pakwenera kuti chikaŵako chilinganizgo cha chakuyimira chira uko ichi chikafumira. Ndipo chirichose ine nkhuoyowoya, icho ndi chaunenesko, chiri nacho chilinganizgo. Ichi chiri nacho chilinganizgo. Imwe muli na muzgezge. Ndipo Baibolo likati, “Vinthu vyakale vikaŵa muzgezge wa vinthu viphya ivyo vikwiza.”

Iyo wakati, “Kweni sono iwe ukatora Chipangano Chakale ngati muzgezge. Sono,” iyo wakati, “kasi iwe uchitenge vichi na Mpingo uwu?”

⁵⁴ Mwanarumi uyu wakufumira ku. . . Mwanarumi wakuzirwa, musambizgi wakuzirwa uyo ndi mubwezi wane wa pamtima, mwanarumi muweme chomene, ndipo iyo ndi m’bale wakutemweka. Ine—ine ningachita chikanga yayi kuyowoya lizgu limoza kususka m’bale. Ine ningachita yayi, munthowa yiriyose. Ngati—ngati. . . Ngati Mukhristu, ine ningayowoya chirichose yayi kususka iyo. Iyo—iyo—iyo nthā wakuzomerezgana nane pa chisambizgo chimoza chira, kweni iyo—iyo ndi m’bale wane wakutemweka. Ise tikurya pamoza. Ndipo, o, iyo ndi munthu waka muweme. Ine nkhorta magazini yake, nkhuŵazga nkhani zake. Ndipo iyo wakulemba zinyake za ine, na vinyake nthaura. Ndipo ine niri kutora makani ghanandi kufuma ku ivyo ine—ine niri kuŵazga—nkhuŵazga vya nkhani zake, nkhumupulika iyo wakuoyowoya. Iyo ndi mwanarumi wakuzirwwa, kweni iyo—iyo wakuzomerezgana nane yayi. Ine nkhuwonga icho, cha unenesko wa mtima wake. Nangauli iyo wakuchita yayi, yumoza wa ŵakufoka, ŵakuzomerezga waka chirichose iwe ukuyowoya. Iyo wali na kukhuzika kwake yekha, ndipo iyo wakuyimira ichi. Ine nkhuwonga icho. Ndipo iyo ndi mwanarumi muweme. O, ine—ine nthā ndine musambizgi panji wakusambira, munthowa yiriyose, kweni mwanarumi uyu ndi vyose musambizgi na wakusambira.

⁵⁵ Kweni ine—ine ningazomerezgana nayo yayi iyo, chifukwa ine nkhuwonga yayi ichi. Kweni, ichi nthā chikukhwaska

vya chiponosko, ichi chikukhwaska vya Kwiza kwa Fumu. Iyo wakuwona kuti Mpingo ukwenera kuti uyendere mu nyengo ya Kusauskika, kuti utozgeke. Ine nkhuoyowoya kuti Ndopa za Yesu Khristu zikatozga Mpingo. Mukuwona? Uwu ntha ukusoweke. . .

Ine nkugomezga kuti mpingo ukwendera mu nyengo ya Kusauskika, bungwe la mpingo, kweni Mkwatibwi wakuchita yayi. Kasi iwe ungasankha mwanakazi uyo iwe ukayenera kuti umutozge pambere iwe undamutore iyo? Mukuwona? Mkwatibwi wa Khristu ngwakusankhika, ndipo Iyo ngwakusoreka. Ndipo Iyo ndi Mkwatibwi wa Chiuta, Mkwatibwi wa Yesu Khristu.

⁵⁶ Ndipo sono iyo wakati, “Kasi iwe ulinganizgenge uli icho, usange Mkwatibwi yura wakuruta, wakuruta kuchanya pambere Iyo wandayendere mu nyengo ya Kusauskika?” Wakati, “Ine niri nalo Lemba ilo likukuwoneska iwe kuti Mpingo uli mu nyengo ya Kusauskika.”

Ine nkhati, “Wazga waka Chididimizgo cha nambala Sikisi, mbwenu kwamara, iyo wali nkhanira kula mu nyengo ya Kusauskika. Kweni fufuzani, pambere waka icho chindachitike, Mkwatibwi ndikokuti waruta. Mukuwona? Iyo wali mu Uchindami pa nyengo yira. Iyo walije kutuwiskika.” Mukuwona?

“Iyo mweneuyo wakugomezga pa Ine wali na Umoyo wamuyirayira, ndipo ntha wazamkwiza mu kususkika panji Cheruzgo, kweni wajumpha nyifwa wafika ku Umoyo.” Khristu wakapereka phangano lakuti ise ntha tizamkuyimilira nanga ndi pa Cheruzgo. Ntheura mwakukhumba Iyo wakatora malo ghane, kufikira kuti ine ndine mwanangwa. Para ine nagowokereka, ine nagowokereka. Kasi Iyo wanifumiskengemo uli ine mu nyumba ya kusungiramo vyakupinyoriska, ndiri na risiti lakuzomerezgeka, usange. . . Kasi Iyo wawenge uli Muwomboli wane, ndipo wanifumiskamo ine mu shopu yakusungiramo vyakupinyoriska, ndipo wakugura wachali kuyowoya kuti ine ndiri wa iyo? Ine niri na risiti lakulembeka, amen, wonani, lakulembeka na Ndopa za Yesu Khristu. Mukuwona? Sono, mu icho, uku ndiko ise tikufika.

Iyo wakati, “Sono, kasi iwe umutorengi uli, umupatulenge Mkwatibwi wakupereka yura uyo iwe ukuyowoya sono, kasi iwe uchiwikenge uli Icho pasi pa chilinganizgo?”

⁵⁷ Ine nkhati, “Ndiweme chomene.” Ine nkhati, “Ichi chiri apa. Sono, mu Mateyu, chipatulo 27 ndipo vesi la 51.” Usange ise. . .

Rekani ine niwazge waka ili, ndipo ntheura ise—ise tichipulikiskenge makora ichi. Ntheura ise tikusanga kuti kwali ichi chikawa chakuyimira panji yayi, kwali ndi Mkwatibwi wakupereka. Mateyu, chipatulo 27 ndipo—ndipo vesi 51. Viri makora. Ise tikuwazga ichi, pa kupayikika kwa Fumu yithu.

*Ndipo, wonani, chisalu cha m'tempile chikaparuka
paŵiri kufuma pachanya kufika pasi; . . .*

⁵⁸ Sono, lira likaŵa dango. Dango likamalira nkhanira penepara. Chifukwa, chisalu chikajanda gulu kufuma ku maranguro ghatuŵa gha Chiuta. Msofi yekha pera wakuphakazgika ndiyo wakanjira mwenemula, ndipo, kuti, kamoza pa chirimika. Mukukumbukira? Sono, Chiuta, na woko Lake Yekha, wonani, “kufumira pachanya kufika pasi,” nthu kufumira pasi kufika pachanya. Ndi pafupifupi wanu mita kutalika. Wonani, nthu kufumira kusi kufika pachanya, kweni “kufumira pachanya kufika pasi,” chikawoneska kuti ichi chikachitika na Chiuta. Wakaparura chisalu paŵiri, nthu ipa, munyake waliyose, waliyose uyo wakukhumba, wangamanya kwiza na kusangana na utuŵa Wake. Mukuwona? Viri makora.

*. . .kufumira pachanya kufika pasi; ndipo charu
chikandindima, ndipo malibwe ghakasweka;*

*Ndipo madindi ghakajurika; ndipo mathupi ghanandi
gha ŵatuŵa awo ŵakagona tulo ghakawuka,*

*Ndipo ŵakafumamo mu madindi pamanyuma pa
chiwuka chake, . . .ŵakaruta mu msumba utuŵa, ndipo
ŵakawonekera ku ŵanandi.*

⁵⁹ Apo pali Wakusoreka yura, Mkwatibwi yura. Nthu mpingo wose wa Chiyuda ukauka pa nyengo yira. Iwo wose ŵakapanga sembe yakuyana. Iwo wose ŵakaŵa pasi pa ndopa zakuthiskika za mwanamberere. Kweni pakaŵa Gulu lakusoreka; ndipo Gulu lira lakusoreka, para chakuchitika chafika waka, ilo likagomezga nadi mu Ichi na mtima wose. Sono ine nkhwiza ku lizgu lakuti *kutonda*. Sono sungani icho. Aŵa ŵeneawo ŵakatonda nadi, na mtima wose kupanganga sembe yeneyira iyo ŵanyake wose ŵakapanga, kweni, mu unesko, ŵakutonda vinthu vya charu. Para chakuphepeskira chikati chaŵapangikira makora iwo, iwo ŵakaŵa mu paradiso mpaka lira lau- . . .nyengo yira. Para nyengo yira yikati yafika, iwo ŵakatonda ndipo ŵakapumuranga, ŵakagona tulo; wonani, “mathupi ghanandi gha awo ŵakaŵa mu dindi,” wonani, ŵakagona tulo.

⁶⁰ Sono, usange ise tikaŵenge na nyengo, ise nthu tanguwerera kumanyuma kwa Daniel, para, Daniel, yumoza yura wakusoreka uyo wakati watonda. Ndipo Iyo wakati, “Jara Buku, Daniel, pakuti iwe uzamkupumura mu chiharo chako. Kweni para Kalonga wazamkwiza, uyo wazamuyimira ŵanthu, iwe uzamuyimilira mu chiharo chira.” Ichi chiri apa. Daniel, muprofeti uyu wa Chiuta, wakawona nyengo yaumaliro yikwiza. Ndipo Iyo wakati, “Daniel, iwe uzamkuyimirira mu chiharo chako pa dazi lira.” Ndipo iyo wakaŵa apa, wauka; nthu Israel

yose, kweni wakwimilira Mkwatibwi wa Israel. Sono, wanyake wose wa Israel ntha wakuwuka mpaka chiwuka cha waliyose.

⁶¹ Ndipo sono, pa Kwiza kwa Fumu Yesu, iwo weneawo mwakufikapo wakutemwa Kwiza Kwake, awo wakukhalira umoyo ichi; para Iyo wakuwonekera mu mtambo, Mpingo uwo ngwakufwa mwa Khristu uzamkuwuka, ndipo iwo wazamkusinthika mu kanyengo. Wanyake wose wa iwo ntha wazamkumanya kalikose za ichi. Kumbukirani, “Wakawonekera kwa iwo mu msumba.” Mukuwona? M—m—Mkwatulo uzamkuwa ngati ntheura. Ise tizamkuwonana jumoza na munyake, ndipo ise tamkuwawona iwo. Charu chose ntha chizamkuwawona iwo. Uyu wazamkukwapulikira muchanya ngati kuruta kwachisisi. Tikulindizga nyengo yira!

Pamanyuma kuwerera ku charu chapasi ku Mileniyamu wauchindami yura, pamanyuma virimika sauzandi... “Wanyake wose wakufwa ntha wakakhala wamoyo kufika virimika sauzandi.”

⁶² Ndipo pamanyuma chikwiza chiwuka cha waliyose, uko, Israel yose... Ndipo kweniso, lawiskani kula, wapostole thweluvu, wasekuru thweluvu, wose wakayimiririka. Ndipo ise tichali tindafike ku icho. Panyake, para Fumu yazomerezga, ise tifikengeko ku ichi mu Chipangano, umo kuti viliwa vira vya yasipara, na malibwe thweluvu, vipata thweluvu, malufura thweluvu, vyose vira vikuyimiririka. Apa iwo wali pa vizumbe thweluvu, mathenga-wangelo gha mazuwa ghara, kuti wapereke cheruzgo pa iwo weneawo wakakana uthenga wawo. Amen. Kula likwiza ora likuru lira. Enya.

⁶³ Ndi dazi uli, ndi nyengo uli iyo ise tikukhalamo! Umo ise tikwenera kuti tijisande, Mpingo. Sono ise tikuyowoya za vinthu ivyo vikwiza, ivyo vitizenge. Sono, muhanyauno, tiyeni tiwerere kumanyuma uku ndipo tiwone, tijisande ta'wene ndipo tiwone usange ise tiri nkhanira mu Chipulikano.

⁶⁴ Sono tiyeni tiyowoye za wakutonda wachoko pa maminiti ghachoko, mu mazuwa gha nyengo ya Nowa, cheneicho chikalinganizgika na Yesu Khristu, cha kuwa ngati muhanyauno.

Ine nkhusachizga kuti niri na maminiti teni. Sono ine niwenge hafu wa ora. Ine nkhuymbako waka, peji lakudankha. Ine nighadukirenge ghachoko gha igho, usange ine ningafiska, na kutora icho...

⁶⁵ Mu nyengo ya Nowa, chilinganizgo cha muhanyauno: Yesu wakayowoya za ichi, ndipo wakati, “Umo kuka'wira mu nyengo ya Nowa, ntheura ndimo kuzamkuwira pa Kwiza kwa Mwana wa munthu. Mu nyengo ya Nowa, ntheura ndimo kuzamkuwira pa Kwiza kwa Mwana wa munthu.” Wonani, kuka'wa wose wa charu chira pambere chigumura chindachitike, panyake mamiliyoni gha wanthu, paka'wa eyiti wakutonda. Wanthu eyiti

ŵakatonda, ŵara ŵakaŵa ŵeneko, ŵakutonda ŵeneko. Pakaŵa ŵana ŵanarumi ŵatatu ŵa Nowa na ŵawoli ŵawo, na Nowa na muwoli wake. Eyiti ŵakutonda, awo ŵakanjira mu ngaraŵa pa nyengo yakwenerera. Kasi iwo ŵakachita uli ichi? Iwo ŵakapulikira ku Mazgu gha Chiuta. Iwo nthā ŵakasangika kuwaro kwa muryango. Iwo ŵakasangika mkati mu muryango.

⁶⁶ O, ŵabwezi ŵane ŵakutemweka, kuzomerezga yayi muryango ula ujarike. Yesu wakati, “Umo kukaŵira mu nyengo yira, nthēura ndimo kuzamkuŵira pa Kwiza kwa Mwana wa munthu.” (Yewo, m’bale.) “Nthēura ndimo kuzamkuŵira pa Kwiza kwa Mwana wa munthu.” Sono, walipo munyake uyo wasangikenge kuti wali kuwaro kwa muryango ula.

Ŵanandi ŵa iwo panyake ŵakaŵa na vyakukhumba viweme, ndipo, “Dazi linyake, usange vinthu vyanthēura vikuchitika, ise tamunjira pamoza na M’bale Nowa, chifukwa iyo ndi munthu muweme.” Kweni, imwe wonani, uwu ukakorapo waka eyiti mkati.

⁶⁷ Sono, ghanaghanani mwankhongono. Usange imwe muli waka mumphepete, mukulekerera, njirani mkati. Fulumirani, mwaluŵiro, chifukwa chijaro panyake chingajirika pa nyengo yiriyose.

⁶⁸ Ndipo nyengo zose muli kuŵa ngaraŵa mu ndondomeko ya Chiuta. Kukaŵa ngaraŵa mu mazuŵa gha Nowa, yakuponoskera ŵanthu Wake. Kukaŵa ngaraŵa mu mazuŵa gha dango, ngaraŵa ya ukaboni. Mu mazuŵa gha dango, iwo ŵakarondezga ngaraŵa.

Ndipo kuli ulinda wachitatu sono; kuyana waka na nyengo ya Nowa, nyengo ya Lot, ndipo sono nyengo iyi. Kuli ngaraŵa sono. Ndipo ngaraŵa yira ndi bungwe yayi, nesi iyi ndi milimo yiweme iyo imwe mukuchita. Iyi ndi “na Mzimu umoza,” Ŵaroma 8:1, “ise tose tikubapatizikira mu Thupi limoza, mu chigaŵa cha Ufumu ula, ubapatizo umoza Wauzimu.” Paliye kanthu kwali muŵe ŵaweme uli, kwali ŵaheni uli, chirichose, imwe muli mu Ufumu ula mwa—mwa ubapatizo wa Mzimu Mutuŵa. Mukuwona? Iyo ndiyo nthowa yekha pera imwe mukutonda. Ndi wose awo ŵali pasi pa Ndopa zakuthiskika ndiwo mbakutonda, chifukwa imwe mungatonda yayi, pa mwaŵene. Ndi Iyo mweneuyo wakumutonderani imwe. Imwe mukupumura.

⁶⁹ “Kasi ine nimanyenge uli pamanyuma, M’bale Branham, kuti ine niri mkati Mula?” Wona mtundu wa umoyo uwo iwe ukukhala. Laŵiska waka zingirizge. Wona usange iwe uwu ukuwukhala mwachilengedwe, kwambura kutumika. Panji, kasi iwe ukwenera kuti usuzgikire na kukakamizgika, wona, mwanthēura iwe ukuchita ichi. Kweni nthā ungayezganga kuchita ichi. Kasi iwe ukayezgapo? Enya. Ungachitanga yayi.

⁷⁰ Kuyana waka na kuŵika woko la bonda muchoko mu bowozi la kawoko, iwe wona. Iyo wali waka muchanya, pasi, palipose, na chinyake chirichose. Mukuwona? Iyo wangachita yayi ichi. “Vwara chikhoti chako, wakutemweka.” Iyo wangachita yayi ichi. Woko lichoko liri muchanya, pasi, zingirizge. Ichi chikutora woko lako lakukhora.

O, umo niliri wakukondwa, ine ningamanya kupereka waka woko lane kwa Wadada, kuti, “Fumu Yesu, ine ninganjira yayi Kula. Imwe mundivwire ine. Wíkani chikhoti pa ine.” Ine nareka kuyezga. Rekani waka Iyo wachite ichi. Mukuwona?

⁷¹ Usange bonda muchoko wakurutirira kuyezganga, “O, ine ningachita ichi. Ine ningachita ichi.” Ndipo iyo wali waka palipose. Iyo wangachita yayi ichi.

Nesi imwe mungachita, nesi ine ningachita, kweni usange ise tingakhala waka chete na kumuzomerezga Iyo wachite ichi. Jiperekeni waka kwa Iyo, “Pano, Fumu, ine niri muno. Mbwenu—nizomerezgeni waka ine niŵe kanthu yayi. Ine—ine nkhujiipereka. Imwe ŵikani woko lane mu malo ghakwenerera.” Uko ndi kutonda. Uko ndi kutonda.

⁷² Chinthu icho imwe mukwenera kuti mutonde ndi mwaŵene, fundo yinu, chinthu chinu, ndipo mujipereke mwaŵene kwa Iyo. Iyo wakumutonderani imwe. Iyo wakuyimanya nthowa; ise tikumanya yayi.

⁷³ Kweni mu nyengo ya Nowa mukaŵa ŵakutonda eyiti, ndipo ŵara ndiwo ŵakanjira. Iwo ŵakasangika mkati.

Sono wonani, ŵabwezi. Ine nkbugomezga kuti iwo ŵakujambura uwu. Ndipo usange uwu uli pa television, panji nth tele...munigowokere ine, pa tepi. Chirichose imwe mukuchita, mwaŵeneimwe mukutegherezga sono, panji mwaŵeneimwe muzamkupulikizga kunthaza, nyengo yamara chomene, ndipo imwe muli na chakulinga chiweme, kweni mukwenera kuti musangike mkati. Sono, kusuzgikira yayi. “Ntha ndi iyo mweneuyo wakukhumba, panji iyo mweneuyo wakuchimbira, kweni Chiuta.” Zomerezgani waka Chiuta. Jiperekeni waka mwaŵene kwa Iyo ndipo yendaninge, na chakufikapo, chipulikano chakukhorwa, kuti, “Icho Chiuta wali kulayizga kuti Iyo ngwamagomezgeko kuchita.” Ntha kujoyinanga bungwe limoza, bungwe linyake, kuchitanga *ichi*, *icho*, panji *chinyake*, kuyezganga *ichi*. Jiperekeni waka mwaŵene kwa Chiuta, ndipo yendani na Iyo, mwamtende, chete, kwambura kutimbanizgika. Rutirirani waka kwendanga na Iyo. Uwo mbunenesko.

⁷⁴ Ndicho ine nkhamuphalira m’bale withu uyo wakaŵa waka na—na kutimbanizgika. Mukuwona? “Jiperekeni waka kwa Iyo. Iyo wali muno, Iyo Uyo wakamanya icho imwe mwachita, na icho chikapangiska imwe kuchita na chifukwa icho mukachitira mwantheura *umo*, na vyose ivyo. Iyo wakumanya vyose vya

imwe, ndipo sono Iyo wamuphalirani waka imwe chakuti muchite. Sono,” ine nkhati, “chinthu chekha pera icho iwe ukwenera kuti uchite ntchakuti ruta waka ukachite ichi. Ndiko kuti, ruwaniko vyose vyakale, yendanga, khalirani umoyo vyakunthazi, mu Uchindami na mu Kuŵapo kwa Chiuta.”

Ŵakutonda eyiti.

⁷⁵ Mu mazuŵa gha nyengo ya Daniel, mukaŵa ŵakutonda ŵanayi awo ŵakamanya kuzizipizga chিয়েzgo cha moto na nkharamu.

Sono, ise tikukhazga kuti tiyezgekenge. Icho ndi chisambizgo chiweme kwa wane—m’bale wane kumanyuma uko, nayoso. “Iyo mweneuyo wakwiza kwa Chiuta chakudankha wakwenera kuti wayezgeke.” Kuyezgeka (vichi?) na Mazgu. Icho ndi chakuyezgera cha Chiuta. Kasi imwe mukugomezga ichi? “Iyo mweneuyo wakwiza kwa Chiuta wakwenera kuti wayezgeke.” Icho chikuwoneska waka kuti ndi mwana mweneko, nthaura, wonani, wayezgeke. Ndipo para chিয়েzgo chafika...Imwe mungatonda yayi pekhapekha chিয়েzgo chaperekeka kwa imwe. Ndipo para chিয়েzgo chaperekeka, ndi chakuti wawone kwali imwe mungatonda panji yayi. Ndipo Yesu wakati, “Kwa iyo mweneuyo wakutonda,” chিয়েzgo. Chিয়েzgo ndi chinthu chikuru chomene icho chikachitika kwa imwe. Ine nkhuomezga kuli kulembeka mu Malemba, Petros wakayowoya, kuti, “Viyezgo vithu ndi vyakuzirwa chomene kwa ise kuruska golide muweme.” Ndi nyengo ya kuyezgeka. Ndi ukaboni umoza uweme kwa ise kuti Chiuta wali nase, para ise tikuyezgeka, pakuti ŵana wose ŵa Chiuta ŵayezgeka na kupimika.

⁷⁶ Ndipo Daniel, munthu, muprofeti; Shadreki; Misheki; na Abedenigo; Daniel wakaŵa muprofeti; ndipo yira yikaŵa sayizi ya Mpingo mu nyengo yira, ine nkhung’anamura, Mkwatibwi. Kukaŵa ŵanandi ŵa mpingo, pafupifupi thu miliyoni ŵa iwo ŵakaruta kusika kula. Kweni kukaŵa... Yira yikaŵa nambala ya ŵakutonda. Ndipo ŵakutonda ŵara ŵakaŵikika ku chিয়েzgo. Ndipo chatonda waliyose wakwenera kuti wayezgeke. Ndipo para iwo ŵakati, “Imwe mukane icho Mazgu ghakuyowoya, panji muponyeka mu ng’anjo ya moto,” iwo ŵakakana chirichose kupaturako Mazgu.

⁷⁷ Ndipo para Daniel wakati wapika chিয়েzgo, chakuti iyo wakane icho Mazgu ghakayowoya, kuti iwo ŵayegamire kurazga ku tempile, umo Solomon wakarombera, ndipo Iyo waŵathaskenge iwo ku vinthu vyose, Chiuta wangamanya kupulika kufuma Kuchanya usange iwo ŵangalaŵiska kurazga ku tempile na kuromba, ndipo wakati, “Usange munthu munyake wakupemphera mkatikati mwa mazuŵa agha, ndipo ise ndise ŵa Medes-o-Persia, taŵaise tingasintha yayi panji kusintha marango ghithu, munthu yura waponyekenge mu

mphanji ya nk Haramu,” iwo wakamupangira msampha iyo, iyo, ine nk hugomezga kuti muprofeti yura wakachimanya chira, kweni iwo wakamupangira msampha iyo, iyo wakayenda mwakujikhizga, para yikati yafika nyengo yakuti iyo wapemphere, para, iyo wakati wamanya, kukaya kwake ku Yerusalemu, pakaŵa sembe ya kugolera pa guwa, Daniel ntha wakaŵa na mantha na ŵazondi ŵara.

⁷⁸ Wakabenura makatani, ndipo wakawezgerapo chakujalira, ndipo wakagwada pasi pa makongono ghake, ndipo wakakwezga mawoko ghake muchanya kwa Chiuta ndipo wakaromba. Chifukwa? Kukhala wamoyo panji kufwa, iyo wakaŵa na kutonda. Ndipo, ipo, kutonda kukuru chomene kufikira kuti nk Haramu zikatondeka kumurya. Iyo—iyo wakatonda.

⁷⁹ M... Shadreki, Misheki, Abedenigo wakaŵa na kutonda kukuru chomene kufikira kuti nk Haramu... kufikira kuti moto ukatondeka kuwotcha ichi. Imwe mukumanya, kutonda ndi chinthu chinonono kuphya, panji kuryeka, panji chinthu chinyake. Mukuwona? Ntheura, iwo, iwo wakaŵa nacho ichi.

⁸⁰ Ine panyake nizunure munthu munyake. Mu mazuŵa gha Lot, Yesu wakayowoya za ichi, kukaŵa ŵatatu pera awo ŵakatonda, Lot na ŵana ŵake ŵanakazi ŵawiri. Ntha nanga ndi muwoli wake; wakatonda yayi. Iyo—iyo wakayambapo kufuma. Iyo ndi wakwimira. Nakhumbanga nthena tanguŵa na nyengo. Maminiti ghane sate ghamara sono nthena. Mukuwona? Mukuwona? Iyo, iyo wakachita vyose makora, iyo wakanyamuka.

⁸¹ Sono ine nk huyenera kuti nipereke ichi kwa imwe, kanyengo waka. Wanandi ŵa imwe muli kunyamuka, namweso. Wanandi ŵa imwe mukavileka vinthu ivi, kuti muwoneske kugomezga kwinu, pamanyuma pakuti imwe mukati mwafufuza Ichi mu Malemba ndipo mwasanga kuti Uwu mbunenesko. Imwe mukawona kukhozgereka kwa Chiuta Mwenenkhongono; ntha kwizira mu munyake, icho munthu munyake *wakayowoya* kukaŵa kukhozgereka. Icho Baibolo likayowoya kuti chizamkuŵako, ndipo apa Ichi chikuchita ichi. Imwe mukawona kuti Uwu ukaŵa Unenesko. Ntheura, imwe muli kunyamuka, kuti mufumemo mu Sodomu, kufumamo mu bungwe, kureka vinthu ivyo vikumukakirirani imwe ku visambizgo vyinu; ndipo kuti murondezge Khristu, kwizira mwa Mzimu Mutuŵa kujikhogeranga Iyomwene mwa Mazgu ghakulembeka gha Chiuta. Mu kayowoyero kanyake, imwe mukatora Baibolo m'malo mwa visambizgo. Imwe muli kunyamuka, kuti murondezge.

⁸² Enya, muwoli wa Lot wakachita chinthu chenechira, imwe mukumanya. Iyo wakanyamuka, kuti warute na Lot, kurondezga mfumu wake, ŵana ŵake, ŵakutemweka ŵake,

kweni Ichi ntha chikaŵa mu mtima wake. Iyo wakachitemwa ndithu charu. Ntheura ntchamachitiko kuti imwe mungamanya kuyambako, ndipo kweni charu kuŵa ndithu mwa imwe. Mukuwona? Mwanakazi wakatonda yayi. Ndipo nangauli iyo wakaŵa nkhanira pa msewu, ichi paumaliro chikamutondeska iyo. Iyo wakachita kumozza kukuru kula, kwa nyengo yitali, kulaŵiska kwaumaliro. Kula ndiko iyo wakakorekera. Ntha mungalaŵiskanga nanga nkhumanyuma. Ntha mungaŵanga na vilakolako. Rutirira kwenda. Wíkani malingaliro ghinu pa Mphinjika ndipo rutirirani kwenda kurazga kwa Khristu. Mukuwona? Mukuwona?

⁸³ Iyo wakayambako, ngati chatonda, kweni iyo wakatonda yayi. O, iyo wakalireka bungwe. Iyo wakachita. Iyo wakafumamo mu Sodom, na Lot. Kweni iyo wakakhumbanga kuti wawerere ndipo wakadumure sisi lake. Imwe mukumanya icho ine nkhang'anamura. Mukuwona? Iyo wakawerera kumanyuma. Iyo wakatondeka kuzizipizga—kuyezgeka. Iyo wakalaŵiska kumanyuma kamozaso, kuti wawone ivyo ŵanyake wose ŵa iwo ŵakachitanga. “O, imwe mukumanya, ine nkhaŵa na ŵabwezi ŵanyake ŵaweme kusika kula, nakwenenako. Ndipo, nakwenenako, ichi panyake chingaŵa waka chichoko—chakuchitika chichoko. Ine nkhumanya yayi kwali ichi chingaŵa chaunenesko panji yayi. Ine—ine niri na lizgu la mwanarumi uyu la ichi, nangauli iyo ndi mfumu wane. Kweni ndipouli. . .” Mliska winu ndi mfumu wako, kuyowoya ku uzimu, imwe wonani. “Sono, kwali ichi chingaŵa chaunenesko panji yayi, ine nkhumanya yayi. Panyake iyo, uvumbuzi wake ukaŵa waunenesko yayi.”

Ntheura, usange imwe mundakhorwe mwakufikapo, imwe mukumanya makora yayi kuti Ichi ndi Mazgu gha Chiuta, ntheura—ntheura imwe mungaruta yayi. Mukuwona? Imwe mukwenera kuti mujipereke kwathunthu. Imwe mukwenera kuti mumanye. Ntha kuyowoya waka kuti, “Enya, ine nkhuwona ŵanyake ŵakuchita ichi. Ine nkhuchiwona chimanyikwiro.”

⁸⁴ Imwe mukumanya, Israel wakayambapo kufuma, ine ningamanya kuyowoya chinthu chimozi mozi na kuchitorera ichi muno. Iwo ŵakayambapo kufuma, thu miliyoni ŵankhongono, ndipo ŵakamalira na ŵanarumi ŵawiri. Mbunenesko. Iwo ŵakayiwona milimo ya Chiuta. Iwo ŵakakuwona kuwonekera kwa Mzimu. Iwo ŵakawona yikuru, minthondwe yikuru yikhitikanga kula mu Egupto, na chinyake chirichose, ndipo ŵakayambapo kufuma. Kweni ichi—ichi ntha chikaŵa mu mtima wawo. Iwo ŵakatonda yayi. Iwo ŵakafuma waka kuwaro. Ndipo Yesu wakati, “Ndipo iwo ŵakafwira mu mapopa,” ndipo ŵali kufwa Muyirayira. “Waliyose wa iwo wali kufwa,” icho chikung'anamura kupatukana Kwamuyirayira. Waliyose wa iwo wakavundira mu mapopa.

⁸⁵ Kweni kukaŵa ŵanarumi ŵawiri, Joshua na Kaleb. Ndipo

para ichi chikati chafika ku bechu, vyakutchinga vikaŵa vikuru chomene kufikirira kuti iwo ŵakawoneka ngati viwala kulwandi kwawo. Joshua wakachemerezga na Kaleb, ndipo ŵakati, “Ise ndise ŵakukwanira kuchita ichi.” Chifukwa? “Chiuta wakayowoya ntheura.” Ndipo iwo ŵakaŵa ŵakutonda. Iwo ŵakatonda. Iwo ŵakaŵa ŵeneawo ŵakachita mwaŵi, kufumira mu bungwe lose likuru lira la ŵanthu, kuti watore mweneko, Mkwatibwi wakusoreka kuruta ku charu chaphangano. Joshua na Kaleb mu mizere yakunthazi kuwaro kula, ngati ŵachirongozgi ŵaŵiri, ŵakaŵarongozgera iwo nkhanira kusika ku mronga, ndipo wakayambuka mronga, ŵakanjira mu charu chaphangano. Chifukwa? Iwo ŵakagomezga Mazgu, kwali pakachitika vichi.

⁸⁶ Pamanyuma, Dathan wakayimilira. Dathan, mphanyiko, wakayimilira, ndipo ntheura wakachita Kora, ndipo iwo ŵakayezga kuwowa kuti, “Munthu uyu wakuyezga kujipanga iyomwene pachanya pa taŵanyake tose ise; iyo ndi mutuŵa chomene kuruska ŵanyake wose ŵa iwo.” Pamanyuma pakuti Chiuta wakati wakukhozgere makoraghe munthu. Iwo ŵakati, “Ise tiyambenge waka gulu la ŵanthu ndipo ise tipangenge *ichi*, *icho*, panji *chinyake*, ndipo ise tipangenge mabungwe ghithu, ise tichitenge. . .” Ndipo iwo ŵakafwa ndipo ŵakapanyika.

Kweni ŵanarumi ŵara ŵakaŵa na Mazgu ghara gha Yehova, ndipo iwo ŵakakhala na Agha, ndipo iwo ŵakayambuka.

“Ntha iyo mweneuyo wakuyambako; iyo mweneuyo wakumalizga.” Ŵanandi ŵakuyambako chipharizgano, kweni waliko Yumoza wakumalizga ichi. Kuzamkuŵa mipingo yinandi yizamuyambika, magulu ghanandi gha ŵanthu. Kuzamkuŵa Gulu limoza lizamkufiska. Awo ndi ŵakutonda.

⁸⁷ Dazi la Lot, enya, iyo wakaŵa na kumoza kukuru kula, kulaŵiska kumanyuma nyengo yitali. “O, ine nkhumureka *Wakuti-na-wakuti* kusika kula, nyengo ziweme zira ise tikaŵanga nazo. Ine nizamuruwa yayi ichi.” Ndipo iyo wakakoreka, wakajaririka kuwaro, ngati ndiumo kukaŵira mu mazuŵa gha Nowa. Iyo wakajaririka kuwaro, kwambura lusungu, ndipo iyo wakafwa. Ndipo m—bumira lichali kwimilira kula muhanyauno. Iwo ŵakuyowoya (Ine nkhumanya yayi) imwe mungamanya kugamatulako chiduswa cha ili ndipo ili likurengeso, bumira la mchere. Imwe muli kuchiwonapo chithuzithuzi chira cha *Sodom Na Gomora*, imwe muliwonenge bumira lapakudankha la mchere ilo likayima kula.

⁸⁸ Sono, pali mphambano pakatikati pa bumira la mchere na Laŵi la Moto. Mukuwona? Imwe mukwenera kuti mung’anamukire nthowa yimoza. Enya.

⁸⁹ Wonani, mu nyengo ya Yohane Mubapatizi. Mu nyengo ya Yohane Mubapatizi, mukasangika sikisi awo ŵakatonda. Miwiro

yose, iwo wakaŵa na wakatonda. Mu nyengo ya Yohane iwo wakaŵa na sikisi, yura wakaŵa Joseph na Mariya, Zakariya na Elizabeth, Simeon na Ann. Mwanarumi na mwanakazi, mwanarumi na mwanakazi, mwanarumi na mwanakazi; wonani, chilinganizgo cha Khristu, Mpingo; Khristu, Mpingo; Khristu, Mpingo; Khristu, Mpingo. Mukuwona? Mukuwona?

⁹⁰ Wonani, ichi chikuyambika kwa munthu wakuthupi. No- . . . Mo- . . . Joseph, munthu wakuthupi, Joseph, kasi iyo wakaŵa njani? Kalipentara. Ntheura msofi, kasi iyo wakaŵa njani, mukuwona? Mupharazgi mu nyumba ya Fumu; Zakariya. Ndipo kufumira kula, kufika kwa Simeon, muprofiti na nudprofetikazi. Mukuwona? . . . ? . . . Kurunjiskika, kutuwiskika, ubapatizo wa Mzimu Mutuŵa. Amen. Imwe mukuchiwona yayi ichi? Makoraghene. Sikisi wakatonda. Wanyake wose wa iwo, iwo wakapereka sembe zawo na chirichose, kweni aŵa wakaŵa Wakusoreka. Iwo wakatonda.

⁹¹ Wonani muwiro uliwose wa mpingo. Weneŵara wakatonda para iwo, mwana waliyose kufuma mu muwiro uliwose wa mpingo, wakatonda chiyezgo cha muwiro ula. Ine niri na Malemba apa. Ine nkhekayika usange ise tiri nayo nyengo kuti timalizge, kweni ise tikumanya kuti uliwose wa miwiro ya mpingo. Chimozi sono. Ichi chiri ngati waka muniyake uyo ndi . . .

⁹² Wonani, umo ine nanguyowoyera pa kudankha, imwe muli kubabika wakuthereskeka. Ndipo kubabika kula nthu kungamutorerani imwe ku—ku Umoyo, chifukwa imwe mukababika wakuthereskeka. Ndipo imwe muli mu charu chakuthereskeka, pakati pa wanthu wakuthereskeka, pakati pa visambizgo vyakuthereskeka, mabungwe ghakuthereskeka. Imwe mukwenera kuti mufike ku kutonda munthowa yinyake.

⁹³ Ichi chiri ngati ndi luŵazoto. Kasi. . . Luŵazoto, ine nkugomezga kuti, ndi limoza la maluŵa ghakutowa chomene agho ghaliko. Ine nkughatemwa chomene maluŵa ghakuru ghakutowa ghara na maluŵazoto gha mu dambo. Ine nkugomezga kuti kulije linyake lakutowa ngati luŵazoto likuru la mu dambo, tikuchema ichi luŵazoto la mu maji. Umo ili likuŵalira! Sono, kasi ili likufumirankhu? Ndi kambewu kachoko, pasi nkhanira pa mathope, chiziŵa chamathope. Ndipo kambewu kachoko kala, ndipouli, kuŵara kose uko kuzamuŵara mu ili, kuli mwa iko nkhanira nyengo yira, para iko kali mu mathope ghara. Kweni iko kakwenera kuti kasuzgikire, dazi lililose, kumanyanga kuti kuli chinthu chinyake. Kuli mdima. Kuli dongo. Kuli mathope. Nkhwakuterera. Mu mathope ghara umo iko kakukhala, ndipouli iko kakusanga nthowa yake mu mdima, mathope, na maji, na malo ghaheni, kufikira kuti iko kafumiska mutu wake pachanya, mu kuŵara, ndipo kakuwoneskera icho chakhala chakubisika mu iko nyengo yose.

94 Ine nkugomezga kuti yura ndi wakatonda, uyo, nyengo yinyake wakaŵa mu kwananga, wakachita vinthu ivyo vikaŵa viheni, kudandaula yayi na ichi sono. Nyengo yinyake wakachita vinthu ivyo vikaŵa viheni, nthaura, sono ntchifukwa uli mulaŵiskenge mu chiziŵa kamosaso? Mukuwona? Wonani, imwe muli . . .

95 Chiuta, mwa kusankhirathu Kwake, wonani, wauskira mbewu iyi ku umoyo, ndipo iyi yikulimbimba iyoyene, wonani, yikwiza ku kuŵara. Ndipo sono, pachanya pa vyose ivyo, iyi yatonda. Mukuwona? Iyi ntha yikujiwoneskera iyoyene pasi *kula*. Iyi yikukwera muchanya, kuti yijiwoneskere iyoyene.

Nesi imwe mukachita, mu kwinu—kwananga kwinu, na vigololo, na chirichose imwe mukakhalanga. Imwe ntha mukawoneskera kalikose. Kweni mukaŵa mbewu mwenemula, ndipo iyi yikaŵa na mwaŵi kuti yilimbelimbe iyoyene kufika mu Kuŵara. Ndipo sono imwe muli mu Kuŵapo kwa Yesu Khristu, na Kuŵara kwa Mwana. Uku kwawoneska icho imwe mukaŵa nadi mu mtendeko. Imwe mukuwona icho ine nkhang'anamura? Imwe mukakuwona Kuŵara. Imwe mukamasuka. Imwe mukajura mtima winu, ndipo sono imwe ndimwe luŵazoto.

96 Imwe mukukumbukira upharazgi wane pa luŵazoto? Wakuchindikika Luŵazoto, umo iyo wakulimbikilira. “Ndipo, kweni, iko kakudandaula yayi. Ndipo kweni, Solomon, mu uchindami wake wose, ntha wali kuvwarikika ngati limoza la agha.” Iyo—iyo—iyo—iyo—iyo. . . Muwoneni iyo. Iyo ngwakunozgeka kupe- . . . Iyo ntha wakujikundikira kalikose iyomwene. Luŵazoto ntha likupwerera vya ilolekha. Kasi ilo likuchita vichi? Ili—ili likuwoneska kutowa kwake kuwaro, umoyo wake, mwakuti ŵanyake ŵangamanya kuwona. Umoyo wake ukuwoneskeka kuwaro, mwakuti ŵanyake ŵangamanya kuwona uchindami, icho chiri mwa ilo, icho chikaŵa mwa iyo mu mathope ghara. Sono ilo liri pachanya.

Uyo ndi wakatonda. Iyo wakatonda mathope. Iyo wakatonda vinthu vya charu. Ndipo sono iyo kwaulere wakujipereka iyomwene. Waliyose wangamanya kumulaŵiska iyo. Umoyo wake, imwe mungaŵikapo njowe pa uwu. Mukuwona? Iyo ndi chatonda mweneko. Imwe mungayowoya chirichose yayi za iyo sono. Mukuti, “Iyo wakafumira mu mathope.” Kweni iyo wali mu mathope yayi sono. Iyo wali pachanya pa ichi. Amen. Imwe mungachita yayi, nyengo yira, kumurongora icho iyo wakaŵa. Kasi iyo ndinjani sono? Iyo wali pachanya.

97 Nthaura njuchi zikwiza kufupi ndipo zikuti, “Ilo ndi fungo liweme. Ine nkugomezga kuti nirutenge ndipo namutorako gawo lane.”

⁹⁸ Iyo wakujura waka mtima wake, “Zanginge sono. Viri makora.” Chirichose chikutora kufuma kwa iyo. Mukuwona? Iyo ndi—iyo ndi mliska mweneko. Iyo wakuwoneskera Uchindami wa Chiuta. Ndipo wonani uko iyo wakafumira. Iyo wakayenera kuti watonde, kuti wachite icho.

⁹⁹ Nyengo yimoza, mwanarumi panji mwanakazi wakaŵa mwanichi na wakuwoneka makora, wakutowa. Iwo ŵakaŵa na viyezgo vinandi vyakuti ŵayendemo, kweni iwo ŵakatonda icho. Mukuwona? Iwo ŵakutonda. Sono iwo ŵakuwoneskera kutowa kweneke kwa Khristu mu umoyo wawo. Wonani, kuwoneskera, ŵayendera mu mathope.

¹⁰⁰ Yesu wakatipa ise chiyezgerero, umo tingachitira ichi. Sono ise tikukhumba kuti timanye umo tingatondera. Yesu wakatiphalira ise umo tingachitira ichi. Mukuwona? Kujikhizga! Wakajiphinya Iyomwene, wakatora thaulo, ndipo wakachapa marundi gha ŵasambiri ndipo wakaghapuputa igho. Chiuta mweneyura wa Kuchanya wakajikhizga Iyomwene.

¹⁰¹ Ise tikukhumba yayi kuyuyurika. Ndicho chifukwa ŵanakazi ŵakukhumba yayi kuti sisi lawo likurenge, wonani, chifukwa icho iwo ŵakukhumba yayi kuvwara ngati ndiumo madona ghangavwalira. Ngati, ŵanarumi ŵakukhumba yayi, wonani, ndi chinthu chimozi. Iwo ŵakukhumba yayi. Iwo—iwo ŵakuyuyurika.

Kweni, Yesu, rutaruta! Wonani Icho Iyo wakaŵa. Ukuru! Ine niyowoyenge chinthu chinyake. Ukuru ukujikhizga iwowene. *Ukuru* ukujikhizga iwowene. Ukuru!

¹⁰² Ine niri kuŵapo na mwaŵi wakukumananga, kukumananga na ŵanthu ŵanyake ŵakuru. Ndipo ndi ŵanthu aŵa awo ŵali na kusintha kwa vyakuwara, ndipo fifite cents mu thumba lawo, ndipo ŵakulizga, uyo ndi munthu uyo wakughanaghana kuti iyo ndi chinthu chinyake penepapo iyo ndi kanthu yayi. Kweni ine nkhamilira pafupi na ŵanthu ŵakuru, ine nkhang’anamura ŵanthu ŵakuru ŵali na mawoko gha shati yakukeruka, kumawoko. Iwo ŵakukupanga iwe kughanaghana kuti ndiwe munthu mukuru. Mukuwona?

Ukuru ndi kujiyuyura. Kuruwa yayi icho, Mpingo. Ukuru ukuwonekera mu kujiyuyura, ntha kujitozga umo imwe mungamanya kuŵira.

Ine ntha nkhang’anamura ukazuzi, sono. Ine—ine nkhang’anamura wakujikhizga mu mzimu. Mukuwona? Ine ntha nkhang’anamura kutora waka—kuruta kuwaro ndipo ntha nanga nkuchapa na kujitoweska. Kuti, imwe muchitenge icho. Imwe mukumanya icho. Mukuwona?

Kweni ine nkhuwoyoya za kujiyuyura, kujiyuyura kweneke, ntha chinyake chikuchita kujipanga. Chinyake icho chiriko, uko ndi kujiyuyura kweneke.

¹⁰³ Yesu wakatiphalira ise umu tingachitira ichi. Iyo wakutonda. Chikung'anamura . . . *Kutonda* chikung'anamura "kuzizipizga kuyezgeka," uwo mbunenesko, ngati ndiumo wātuwā wose wākale wākachitira; ngati ndiumo Yesu wakachitira: pakati pa wārwani Wake wose, Iyo wakutonda kuyezgeka. Chirichose Iyo wakayezgeka nacho, Iyo wakutonda ichi. Nkhanira mu nyengo ya urwari, ndipo Iyo pakuwā Mesiya, Iyo wakaŵachizga iwo. Panthazi pa nyifwa, iyo wakauwezgereska uwu ku Umoyo. Panthazi pa Mphinjika, nyifwa Yake Yekha, Iyo wakayithereska iyi pakuchita kujipereka Iyomwene. Chifukwa? Mwa Mazgu. Wakati, "Imwe muphwanye Tempile ili, ndipo Ine niliwuskenge ili mu mazuwā ghatatu." Mazgu ghakayowoya nthaura. Mukuwona? Ndipo panthazi pa nyifwa, Iyo wakathereska iyi. Iyo wakutonda nyifwa. Panthazi pa gehena, Iyo wakathereska gehena ndipo wakatonda gehena. Enya. Panthazi pa dindi, Iyo wakatonda dindi. Chifukwa? Vyose mwa Mazgu, na kujikhizga. O, mwe! Apo pali Mwanarumi mweneke. Apo pali Yumozza uyo wangapanga chiyezgerero chinu. Mukuwona? Iyo wakathereska chirichose, wakutonda ichi.

¹⁰⁴ Wonani. Kuyezgeka kukaŵa kwa Iyo. Imwe mukumanya icho? Baibolo likati, "Iyo wakayezgeka mu nthowa zose ngati ndiumo ise tikuyezgekera, kweni wambura kwananga." Iyo wakayezgeka na—na kumwa. Iyo wakayezgeka na wānakazi. Iyo wakayezgeka na chirichose icho wakamanya kuyezgeka nacho. Iyo wakayezgeka na chirichose ise tiri. Iyo wakaŵa Munthu, ndipo kweni imwe mungarongora yayi kwananga pa Iyo. Enya, bwana.

¹⁰⁵ *Kutonda* chikung'anamura "kumumanya devulu mu yiriyose ya mauryarya ghake." Wānthu wānandi wākuti, "Kulije devulu. Ndi ghanoghano waka." Kugomezga yayi icho. Waliko devulu mweneke. Iyo waliko waka ngati ndiumo imwe muliri panji munthu munyake. Devulu mweneke, ndipo imwe mukwenera kuti mumumanye iyo kuti waliko. Imwe mukwenera kuti mumanye iyo ndi devulu. Nthaura, nyengo yeneyira kuti imwe—imwe mwamumanya iyo, ndipo mwamumanya kuti iyo ndi devulu ndipo iyo wakulimbana namwe, nthaura, kuti mutonde, imwe mukwenera kuti mumanye kuti Chiuta mwa imwe ndi mukuru na wankhongono kuruska umu iyo waliri, kuti Mweneuyo wali mwa imwe wali kumutonda kale iyo. Ndipo, mwa uchizi Wake, imwe ndimwe wankhongono kuruska iyo. Amen. Kuliko kutonda kweneko, para imwe mwamumanya.

¹⁰⁶ Imwe mulaŵiske kumanyuma, ukuti, "Ine nkchuchita *ichi* ndipo ine nkchuchita *icho*," nthaura, yayi, imwe—imwe, imwe mwathereskeka.

"Kweni kulije kususkika kwa iwo awo wāli mwa Khristu Yesu, awo nthā wākwenā mwakurongozgeka na thupi, kweni mwakurongozgeka na Mzimu." Nthaura imwe mukumanya kuti imwe mwatonda.

Ndipo imwe mukumanya kuti iyo ndi devulu.

Imwe mungayowoya yayi kuti, “Ine niri na urwari, ndipo ine—ine—ine—ine—ine nkugomezga yayi kuti uwu ndi urwari.”

O, enya, uwu *ndi* urwari.

Iwe uli na kansa, iwe “ukugomezga yayi kuti iyi ndi kansa.”

Iyi *ndi* kansa. Iyi *ndi* kansa.

Kweni, kumbukirani, “Mukuru ndi Iyo mweneuyo wali mwa imwe kuruska iyo mweneuyo wali mu charu.” Imwe mukwenera kuti mumanye kuti Mzimu Mutuwa uwo uli mwa imwe uli kutonda kale chinthu ichi. Ndipo Iyo wali mwa imwe, ndipo imwe mungamanya kutonda kwizira mwa Iyo. Uwo ndi unesko ndendende, ndi ndendende ndimo Lemba liri kulembekera. Kutonda!

Ine nkhuwenera kuti nifulumire. Ine nafika kale maminiti fote-fayivi sono. Ine najumphiska nyengo sono.

¹⁰⁷ Wonani, kutonda! Chiuta uyo wali mwa imwe ndi mukuru kuruska yumoza uyo wali mwa iyo. Chiuta wa charu nthu ndi mukuru ngati ndiumo waliri Chiuta wa Kuchanya, uyo wali mwa imwe, umo mdima ungayima yayi apo pali kuwara.

¹⁰⁸ Sono, mdima ungayima yayi apo pali kuwara. Ine nkhuwenera yayi kwali kuli mdima uli, kuwara kuzimwenge uwu. Uwu ungayima yayi. Uchindami! Kweni imwe mutore mdima unandi chomene uwo imwe mukukhumba, ndipo muyezge kuwuyimika apo pali kuwara nyengo yimoza, wonani icho chikuchitika.

Uyo ndi Mweneuyo wali mwa imwe, ndi Kuwara. Ndipo mweneuyo wali mu charu ndi mdima. Ntheura, Kuwara kwasimikizgira kuti kwatonda mdima, na munthu uyo wali mwa Khristu ndipo wakumanya kuti iyo watonda vinthu vya charu. Amen. Ichi chirije ubale na imwe, ng’o. Imwe ndimwe wakumasuka. “Yendani mu Kuwara, apo Iyo wali mu Kuwara, ndipo Ndopa za Yesu Khristu zikutitozga ise ku kwananga kose, ndipo ise tiri na wenenawene yumoza na munyake.” Apo imwe muli.

¹⁰⁹ “Iyo mweneuyo wali mwa imwe ndi mukuru kuruska iyo mweneuyo wali mu charu.” Sono, usange imwe mukulaŵiska kumanyuma ndipo ndiwe mukususkika, ipo imwe muchali mu charu. Kweni usange imwe mukukhala umoyo pachanya pa icho, ntheura Iyo mweneuyo wali mwa imwe wakumurongozgerani imwe pachanya pa mdima.

Ngati luwazoto, ilo liri pachanya pa mdima wa mathope. Ilo liri pachanya pa mdima wa maji ghamathope. Ilo liri mu kuwara, kuwariskanga kutowa uko kukaŵikika mwa ilo pambere ilo likaŵa lindafumemo mu mathope. Amen.

¹¹⁰ Sono ine—ine nkhuwona ngati Mukhristu wakuchemerezga. Icho chikaŵikika mkati mkati mula na Chiuta, pa chiyambi, ili likalimbimba ulendo wake likafuma, likatonda. Ili latonda chikhokho. Ili latonda mathope. Ili latonda maji. Ili likatonda chirichose, ndipo likaŵa chatonda, ndipo likaŵariska kutowa na Uchindami wa Chiuta.

¹¹¹ Umo ndimo wakugomezga waliyose wakuchitira. Umo ndimo Nowa wakachitira. Umo ndimo Lot wakachitira. Ako ndiko kachitiro. Wonani unyakasi uwo ili likaŵamo. Umo ndimo Moses wakachitira. Umo ndimo Joshua wakachitira. Umo ndimo Daniel wakachitira. Umo ndimo Shadrecki, Misheki ŵakachitira. Umo ndimo Yohane Mubapatizi wakachitira; Zakariya, Elizabeta. Umo ndimo Simeon yura, umo ndimo Anna yura, waliyose wa iwo wakachitira. Iwo ŵakatonda mathope agho ghakaŵako ghakaŵazingirizga iwo ndipo ghakazura mwa igho. Ŵakinuska mutu wawo pachanya pa chinthu, ndipo wakawoneska kuŵara kwa Uchindami wa Chiuta. Icho ndicho Mukhristu mweneko wakuchita.

¹¹² Kumbukirani, Yesu wakamuwoneska Iyo umo ichi chikachitikira. Mazuŵa fote gha kuyezgeka, Iyo wakayezgeka kuruska munthu waliyose uyo wakamanya kuyezgeka, mu kuyezgeka kwa Yesu Khristu. Wonani. Iyo wakatiwoneska ise umo ichi chikachitikira.

Sono ine nijarenga, mu maminiti ghachoko waka.

¹¹³ Wonani. Iyo wakatiwoneska ise umo ichi chikuchitikira. Kasi Iyo wakachita uli ichi? Mwa Mazgu. Umo ndimo Iyo wakachitira ichi, pakuti Iyo wakaŵa Mazgu. Ndipo Yesu wakati, “Usange imwe mukukhala mwa Ine, ndipo Mazgu Ghane mwa imwe,” imwe mwawerera ku Mazgu kamozaso, Mazgu gha phangano. Kasi Mazgu gha phangano ndi vichi kwa Mukhristu waliyose? “Mukuru ndi Iyo mweneuyo wali mwa imwe kuruska iyo mweneuyo wali mu charu.” Ntheura kasi ine nitondenge uli? Ntha ine, kweni Mazgu agho ghali mwa ine. Mazgu ndi Chiuta. Ntheura ine nkhutonda vinthu vya charu, chifukwa ndi Mazgu mwa ine. “Usange imwe mukukhala mwa Ine, Mazgu Ghane mwa imwe, ntheura rombani waka icho imwe mukukhumba.” Rutirira waka kukankhira muchanya. Imwe mukwiza pachanya, mwakusimikizga ngati chinyake chirichose. Mukuwona? Imwe mukwenera kuti mufike pachanya.

¹¹⁴ Mazuŵa Ghake fote gha kuyezgeka, na Mazgu gha Chiuta Iyo wakatonda. Ine nkukhumba kuti niyowoye chinyake apa pa maminiti ghachoko waka. Satana wakapanga nthowa zikuruzikuru zitatu zakuti wamukore Iyo mu kuyezgeka kula. Wonani. Nyengo zose ndi mu zitatu zira. Kuruwa yayi ichi. Mukuwona? Iyo wakapanga nthowa zikuruzikuru zitatu, kufumira ku yapachanya chomene kufika ku yapasi chomene. Iyo wakayezeska kuti wamutonde Iyo. Kweni Iyo wakaŵa

Mazgu. Amen. Kasi Iyo wakagwiriska ntchito vichi? Iyomwene, Mazgu. Viyezgo vikuruvikuru vitatu vya Satana vya kumukolera panji kumusangira Iyo, kweni Iyo wakatonda ichi na Mazgu. Chiyezgo chirichose, Iyo wakamarana nacho ichi mwa Mazgu. Wonani ichi sono, kufumira pachanya chomene kufika pasi chomene.

¹¹⁵ Chakudankha iyo wakapanga chiyezgo pa, kuti wagwiriske ntchito nkhongono Yake yikuru. Cheneicho, Iyo wakamanya kuti Iyo wakaŵa Mazgu. Iyo wakaumanya udindo Wake. Imwe mukugomezga kuti Iyo wakamanya? “Ine Mwana wa munthu.” Iyo wakaumanya udindo Wake. Ndipo Satana wakiza ndipo wakakhumbanga kuti Iyo wagwiriske ntchito nkhongono Yake Yekha, kuti wamuryeske Iyo, kukhumba kuti wamuryeske Iyo. Iyo wakaziya. Munthu wali na njara, iyo pafupifupi wangamanya kuchita chirichose. Iyo wibenge, waphangenge, wapempsheskenge, wabwerekenge, chirichose. Mukuwona? Iyo wakaŵa na chilakolako chira. Ndipo Satana wakagwiriska ntchito chiyezgo chake chikuru pa Iyo, kuti watore nkhongono Yake yeneiyo Iyo wakapika kuti watondere na kuyigwiriska ntchito iyi pa Iyomwene. Iyo nthawakagwiriska ntchito iyi pa Iyomwene. Yayi. Iyo wakayigwiriska ntchito pa ŵanyake. Uwo mbunenesko. Iyo wakagwiriska ntchito iyi pa ŵanyake, nthawakagwiriska ntchito iyi pa Iyo. Nangauli, Iyo nthawakachita ichi. Iyo nadi nthawakachita ichi.

¹¹⁶ Kweni mukuwona umo devulu wakufikira? Devulu wakukhumba kuti imwe mumupulikire iyo. Iyo wakapulikira chekha icho Ŵadada ŵakayowoya kuti wachite. Uwo mbunenesko.

Iyo wakati, “Chifukwa,” Satana wakati, “kuli kulembeka, ‘Iyo waperekenge ulamuliro ku Ŵangelo. . .’”

¹¹⁷ Iyo wakati, “Enya, kweni kuli kulembekaso. . .” Mukuwona? Apo imwe muli. Mukuwona? Iyo wakamanya Icho Iyo wakaŵa. Satana wakachita. . .

Ghanoghano likunjira mwakuzama kuruska umo Ili liri kulembekera. Mukuwona? Ndi ukhuŵirizgi. Njere yiri mkati mwa Iyi, imwe wonani, icho Iyi yiri nadi.

¹¹⁸ Nangauli Iyo nthawakachita ichi, Iyo wakachita yayi ichi. Kweni Iyo—Iyo wakapulikira yayi ku masachizgo gha Satana.

Sono, apa pali chinthu chiweme. Mukuwona? Nyengo zinyake Satana wangamutorani imwe, ndipo para imwe mukughanaghana kuti imwe mukuchita khumbo la Chiuta, ndipo wangamupani imwe sachizgo, imwe muzomerezgenge ichi. Enya, bwana. Iyo mwakusimikizga wangachita.

¹¹⁹ Sono tiyeni titore waka, mwa kuyezgerera, ngati ŵalongosi ŵithu. Iwo mbakutowa. Ndipo iyo wangamanya kumutorerani imwe ku malo, kuti, imwe mukazomerezga sisi linu likurenge, imwe mukamanya yayi ili likawoneka makora chomene pa

imwe, ndipo, chinthu chakudankha imwe mukumanya, imwe mukuyamba kujipulika wapachanya pachoko, wapachanya pachoko pa chinthu chinyake. Mwaŵanarumi ŵanyake imwe, imwe mukumanya icho ine nkhung'anamura. Mukuwona? Ndipo iyo wangamanya kutora chinthu chenechira na kupereka sachizgo ichi na imwe. Uwo mbunenesko. Wonani. Imwe mukwenera kuti mutonde icho.

Kumbukirani waka, imwe mukukhalira umoyo Chiuta. Imwe muli na chakulinga chimoza, ndipo icho ndi Yesu Khristu. Kuwaro kwa icho, kulije chinyake chikuzirwa. Icho ndi Iyo. Ntheura, chachiŵiri, banja linu. Ntheura, chachitatu, cha mwaŵene. Kweni, chakudankha, cha Chiuta; chakurondezgako, cha banja linu; ndipo chakurondezgako, cha imwe. Imwe muli pa nambala firii; uwo ndi umaliro wa msewu. Jiŵikeneni mwaŵene paumaliro; Iyo wakachita.

¹²⁰ Wonani icho Iyo nthena wakachita. Wakati, "Ine ningamanya kuchema Wadada Wane, kuyowoya kwa Iyo, Iwo mwaluŵiro mbwenu ŵanitimirenge Ine magulu thweluvu gha Wangelo." Penepapo, yumoza wa Iwo wangamanya kuparanya charu. Wakati, "Usange Ufumu Wane ukaŵa charu ichi, ipo ŵanthu Wane mbwenu ŵachitenge mbembe. Kweni Ufumu Wane ngwa Kuchanya." Apo imwe muli. Mukuwona? Iyo nthena wakachita chira, kweni Iyo wakachita yayi. Mukuwona? Nangauli, Iyo nthena wakachita ichi. Iyo nthwa wakategherezga ku sachizgo la Satana.

¹²¹ Sono, kasi imwe muli kupulikapo ŵanthu ŵakuti, "Usange— usange imwe mukugomezga kuti kuli—kuli muchiriski Wauzimu. . . Usange iwe ndiwe muchiriski Wauzimu. . . Rutani mukamutore muchiriski winu Wauzimu. Ine niri na munthu kudera uku, murwari. Ine nkhukhumba kuti nimuwone iyo wakumuchizga iyo." Mukumuwona devulu mweneyura? Iyo wakuyezga kuti wapereke sachizgo lakumukakamizgani imwe. Iyo wakuyezga kumupangani imwe kuti mutegherezge kwa iyo m'malo mwa kwa Chiuta. Kweni mweneko, wantchito muneneska wa Chiuta wategherezgenge na kuwaona icho Wadada ŵakuyowoya, chakudankha. Mukuwona?

¹²² Ngati bonda muchoko wa Stadskev, para iwo ŵakati ŵamutuma kudera kuno. Ndipo Mrs. Stadskev wakati, "M'bale Branham, ine nkhaiyimba kufuma ku Germany." Kukaŵa gulu lankhondo la America, na yimoza ya ndege zawo za jeti yikaŵa kuwaro uku ku malo gha ntchito, nthena yikaninyamura ine kuruta ku Germany na kuwerako, mu dazi limoza. Iyo wakaŵa mliska. Ndipo bonda wakaŵa chigonere, wakufwa. Ndipo mama muchoko yura wakachemerezganga, iyo wakati, "Tegherezga!" Wakati, "Ine nkhumanya. Ine nkhaiyimirira nkhanira kula ndipo nkhamuwona mwanakazi yura wakanyamura mwana wakufwa yura mu mawoko ghake, uyo wakafwa mlenji ula. Ine nkhwona M'bale Branham wakwenda kuwaro kula, wakuŵika

mawoko pa mwana wakufwa yura, ndipo iyo wakawerera ku umoyo.” Wakati, “Uyu ndi mwana wane, M’bale Branham.” Ntha mukaŵapo nyifwa mu banja lawo. Mukuwona? Ndipo kanthu kachoko aka kakarwara mlenji umoza ndipo kakafwa kumuhanya kula.

Apa pakaŵa wose iwo ŵakayimirira zingirizge, ndipo ŵakaperekanga mauchimi na vinthu, “Mwana wawukenge,” na vyose ngati ntheura.

¹²³ Ine nkhati, “Enya, icho ntchiweme chomene, Mlongosi Stadskev. Kweni rekani ine niwone icho Ŵadada ŵakuyowoya.”

Ine nkharuta kuwaro ku thengere. Ndipo ine nkharomba. Nkhawerako; iyo wakaŵa kuti wayimba kaŵiri panji katatu pambere ine nkhaŵa nindafike mlenji wakurondezgako. Palije.

Dokotala wakati, “Viri makora.” Wakati, “Usange ndimo kuliri, usange iwe uli na chipulikano ngati icho, dona, ise tizomerezgenge yayi kuti mwana wafume mu chipatala. Murekeni iyo wagone penepapo. Iwe ukhale nkhanira muno na iyo. Icho chiri makora.”

M’bale Stadskev wakaruta ndipo wakakumana na mulara wa ŵasirikali. Iwo ŵakati, “Nadi. Ise timunyamurenge pa ndege iyo, ndipo tamkuwera nayo.”

¹²⁴ Ndipo pakaŵa ndege yikayimilira, yikalindizganga, kuti yinitore ine mlenji ula na kwizaso nane usiku ula, kuruta ku Germany, ku Heidelberg, Germany, ku chiwuka cha mwana uyu. Ine nkhati, “Nadi, Chiuta wangamanya kuchita ichi, kweni tiyeni tiwone kasi khumbo Lake ndi vichi.”

¹²⁵ Ntheura ine nkharuta kuwaro, nkharomba usiku wose. Palije chikachitika. Nkhawerako mlenji wakurondezgako; palije chikachitika. Ndipo ine nkhayamba kunjira mu chipinda. Nkhanira nyengo yira ine nkhalawiska kula, ndipo apo pakayimirira Kuŵara kula kulenderanga pa muryango. Kukati, “Reka kuŵikapo woko lako pa icho. Kuchichenya yayi icho. Ilo ndi woko la Chiuta.”

¹²⁶ Ine nkhamusanga iyo pa foni, ine nkhati, “Mlongosi Stadskev, kasunge mwana wako, ndi woko la Fumu, ndi khumbo la Chiuta. Chinyake chikati chizakachikenge kwa mwana yura nyengo yinyake kunthazi, iwe zomerezga iyo warute nkhanira uko Chiuta wakumanya uko iyo wali, iwe ungamanya kuruta kwa uyu sono, uyu waŵenge wamoyo, iwe kurutako yayi, iwe uchireke ichi ngati ntheura.”

¹²⁷ Mupharazgi mukuru yura wa Lutheran mu Germany wakalemba kalata ndipo wakati, “Umo ine nkhumuwongera, vichi, M’bale Branham kulindizganga chigamuro cheneko chira cha Chiuta, pambere iyo wakaŵa wandayowoye chirichose.”

Ndicho ichi. Koreskani ku chigamuro cha Chiuta. Palije kanthu kwali ŵanyake ŵakuyowoya vichi, panji chirichose

chiriko, ntha mungalingaliranga sachizgo na Satana, munthowa yiriyose.

¹²⁸ Usange Satana wakuti, “Sono, ubapatizo wa maji, zina la ‘Dada, Mwana...’” Usange icho, iyo wakumupani nanga ndi sachizgo, imwe chirekeni ichi. Chiuta wakayowoya munthowa yinyake. Usange iyo wakuti, “Iwe ndiwe mwanarumi muweme, iwe ntha ukwenera kuwa...Iwe ndiwe mwanakazi muweme, iwe ntha ukwenera kuchita...” Ntha mungapokereranga sachizgo. Usange Mazgu ghayowoya chinyake chakulekana, imwe mukhale na Mazgu kwambura kupwerera kasi ichi ntchichi. Icho ndi chiyegerero icho Yesu wakapereka kwa imwe, ndipo apo pali chiyezgo chikuru, wonani, icho devulu wakapanga pa Iyo.

¹²⁹ Ntheura, chiyezgo chachiwiri. Ine nifulumirenge. Kukuwoneka waka ngati kuti nyengo yikwenda mwakufulumira chomene. Chiyezgo chakurondezgako chikuru chikaŵa chakuti, icho iyo wakapanga pa Iyo, ntchakuti Iyo nthena wakaŵa wakujiwoneskera.

Ndipo kasi icho chikuŵakhwaska uli ŵantchito ŵa Chiuta, kuŵa ŵakujiwoneskera, kuwoneska icho imwe mungachita. “Uchindami kwa Chiuta! Aleluya! Ine ndine muwomboli! Ine ndine *wakuti*.” Mukuwona? Mukuwona?

¹³⁰ “Kwera pachanya apa, pachanya pa tempile, ndipo khalani pasi apa.” Iyo wakamuyezga Iyo kuti wachite ichi. Sono, kumbukirani, Iyo wakayezgeka kuti wachite ichi, mwankhongono. Wakati, “Sono, usange Iwe ukukumba kuŵa chinyake panthazi pa ŵanthu, yimilira pachanya apa pa tempile ili, duka.” Mukuwona? “Ine nikupenge Lemba la ichi, chifukwa kuli kulembeka, ‘Iyo watumenge Wangelo kwa Iwe, mzire, nyengo yiriyose, utchayiske rundi pa libwe. Iyo mbwenu wakuŵankhirenge muchanya Iwe.’” Kumupanga Iyo wakujiwoneska, kuti wawoneskere mazaza Ghake.

¹³¹ Kulije wantchito muneneska wa Chiuta wakuchita icho. Imwe mukuwona munthu wakujiwoneska, nganga yake kuwaro, na vyose ngati ntheura, kumbukirani waka, pali chinyake chakwanangika apo. Yayi. Chiuta wakuchikumba yayi icho. Yesu wakapanga chiyegerero. Iyo nthena wakachita ichi. Iyo mwakusimikizga nthena wakachita ichi, kweni Iyo wakachita yayi ichi. Kulije wantchito wa Chiuta ndi wakujiwoneska, vya iyomwene, kuyezga kuti watore nkhangono ya Chiuta na kujiwoneska iyomwene pachanya pa munyake.

¹³² Imwe mukukumbukira Moses wakachita icho? Mukukumbukira ichi? Chiuta wakamupa nkhangono kuti wachite chirichose iyo wakakhumbanga kuchita; wakamupanga iyo mupofeti. Iyo wakaruta ku Jarawe lira, ndipo iyo wakatimba Jarawe kaŵiri. Chira chikaŵa chakususkana na khumbo la Chiuta.

Chiuta wakati, “Yowoya ku Jarawe lira. Kulitimba yayi ili kamozaso. Iwe ukuswa vyose—vyose—vilinganizgo apa. Jarawe lizamkutimbika kamoza pera.” Kweni iyo wakayowoya za kufoka kwa Mazgu para iyo wakati wachita chira; Chira chikaŵa chakukwanira yayi. Enya. Mazgu ndigho ghakarutiriranga. Jarawe lira ghakaŵa Mazgu. Mukuwona?

¹³³ Iyo, nyengo yakudankha, iyo wakatimba Jarawe ndipo maji ghakafuma. Ndipo nthaura iwo ŵakapulika nyota kamozaso. Iyo wakati, “Sono ruta ndipo ukayowoye ku Jarawe.” Ili likatimbika kamoza pera. Mukuwona?

“Kupereŵera kwa Mazgu,” Moses wakachiotira ukaboni za ichi. “Mazgu ghakaŵa ghaneneska yayi; Iyo wakayenera kuti watimbikeso.”

¹³⁴ Nthaura Moses wakaruta kusika kula ndipo wakatimba Jarawe ngati nthaura, wakati, “Pungukani!” ghakafuma yayi, nthaura iyo wakatimbaso ili, ndipo wakati, “Pungukani! Ine nkhumulangurani imwe kuti mupunguke.” Ndipo maji ghakafuma.

¹³⁵ Chiuta wakati, “Zanga kuno. Zanga kuno. Iwe ukujichindika wamwene. Iwe ukatora nkhangono Yane; m’ malo mwa kundituŵiska Ine, iwe ukajituŵiska wamwene. Sono iwe wamunjira yayi mu charu. Laŵiska kusirya, wona umo ichi chikuwonekera; kweni, uku, iwe ukhalenge nkhanira kuno.” O, mwe! Ntha wali kuŵako yumoza ngati Moses, imwe mukumanya. Yayi, yayi.

¹³⁶ Para iyo wakati wafika pa chakujiwoneskera chira na Yesu, iyo wakati, “Kwera pachanya pa tempile ndipo ujiponye.”

¹³⁷ Iyo wakati, “Kuli kulembeka,” amen, ““Ntha ungayezganga Yehova Chiuta wako.”” Mukuwona? Iyo wakakumana nayo na Mazgu, mu icho, na chiyezgo chirichose chikuru.

¹³⁸ Kulije wantchito muneneska wakuyezga kujiwoneskera iyomwene, na—na nkhangono ya Chiuta. Iyo kuchita, iyo wakataya nkhanira penepapo.

¹³⁹ Chiyezgo chachitatu chikuru, Satana wakapereka kuti walekere ufumu ufu kwa Iyo. Iyo wakachita. Satana wakati, “Ukughawona maufumu agha gha charu? Agha ngane. Ine nkuchita na igho chirichose ine nkhekumba kuchita. Ine nighalekerenge igho kwa Iwe.”

Kweni, imwe kumbukirani, iyo wakayezganga kuti wamupange Iyo kuti wamurekere ichi kwambura mphinjika. Usange Iyo wakachitenge, ise nthena tiri kutayika. Iyo nthena wakatora ufumu. Kweni Iyo wakayenera kurondezga... Iyo wakwenera kuti wawereko. Iyo wakayezgeka kuti wachite ichi, sono. Nyifwa ndi chinthu chinonono. Iyo wakayezgeka kuti watore wanangwa Wake na kuŵa Fumu ya charu chapasi, kwambura mphinjika. Kweni, usange Iyo wakachitenge,

ŵanthu Ŵake nthena ŵakafwa. Satana mwakukondwa nthena wakapanga sachizgo lira na Iyo. Kweni Iyo wakati, “Fumako kwa Ine, Satana.” Iyo wakachita chara ichi.

¹⁴⁰ Iyo wakiza ndipo wakasuzgika, ndipo wakatora yinonono, nthowa yakusuzga. Iyo wakatora nthowa ya kuzikizgika. Iyo wakatora nthowa ya nyifwa.

Kasi ise, mlenji uwu, tanozgeka kuti tichite, titore nthowa yenyeyira yeneiyo Iyo wakatora? Kasi ise tanozgeka kuti tifwe? Kasi ise tanozgeka kujipereka taŵene kwa Chiuta, kuleka charu chose na vinthu, kuti timutumikire Iyo? Mukuwona?

¹⁴¹ Sono, Iyo wakatondeka kuchita ichi. Mwakukhumba kuti—kuti wamurekere ichi, Satana wakachita, kwa Iyo. Kweni Iyo wakachita yayi ichi. Nangauli Yesu wakayezgeka, Iyo wakatitondera ise. Iyo—Iyo wakazizipizga viyezgo vyose chifukwa cha imwe na ine. Mukuwona? Iyo nthena wakatora ichi nkhanira nyengo yenyeyira. Kweni ntchifukwa uli Iyo wakatora nthowa yinyake? Mwakuti ise tingamanya kwiza, kukhala na Iyo. Ndipo usange Iyo wakalipira mtengo wantheura ngati ula, nthaura kasi ise tiŵenge ŵakutondeka uli kukana kupokerera ichi? Para, kumbukirani, kulije kalikose kuno, munthowa yiriyose.

¹⁴² Usange imwe mukhalenge umoyo virimika handiredi, kasi imwe muzamkuŵa vichi? Kaghanaghaniro, ndipo mutu winu wataya, mwapendera, ndipo mwachekura na ŵavinjenje. Kula ndiko imwe mukuruta, ndipo uwo ndi umaliro wa uwu. Imwe zanine sono, mutonde chinthu. Kasi imwe mukuchita uli ichi? Na Mazgu. Icho Mazgu ghakuyowoya, imwe mukuchita ichi. Yenda mwakujikhizga. Khalani panthazi pa Yesu.

¹⁴³ Iyo wakazizipizga vinthu chifukwa cha imwe na ine. Iyo ndi chiyezgerero chithu umo tingatondera muwiro withu uheni, umo Iyo wakatondera muwiro Wake uheni.

¹⁴⁴ Kumbukirani, para Iyo wakati wafika ku charu chapasi, pakaŵa waka kuwura kugomezga kunandi, panji kukuru, kuruska uko kuliko pa nyengo yiriyose. Ichi chikamutangwaniska yayi Iyo napachoko. Para iwo ŵakamuchema Iyo devulu m'malo mwa Chiuta, para iwo ŵakamuchema Iyo chirichose icho chikamanya kuchitika, ichi chikamutangwaniska yayi Iyo napachoko. Iyo wakaŵa na chirato chimoza: “Wakapwererera vya Ŵadada. Wakasunga Mazgu.” Mazgu ndi Chiuta. Iyo wakaŵa na lingaliro limoza.

¹⁴⁵ Ise nyengo zinyake tikuyezgeka kuti tiwerere kumanyuma. Ŵanandi ŵa imwe, mukayezgeka kuti muwerere ku bungwe, kuwerera kumanyuma na kutora, chifukwa charu chose chikuti, “Kasi iwe uli mu bungwe uli? Kasi iwe uli mu mpingo uli?” Ise tikuyezgeka kuchita icho; ise tose tikuchita. Ŵalongosi ŵithu ŵakuyezgeka kuti ŵawerere, kuwerera kumanyuma na kujoyinana na mipingo yinyake yose, na ŵa Assemblies ŵanyake,

panji mipingo ya Chiuta, panji yinyake ya iwo; kuŵa ndithu wa Pentekosite, mukuzomerezga kudumura sisi linu, na kuvwara pafupifupi munthowa yiriyose imwe mukukhumba. Mukuwona? Imwe mukuyezga kuchita icho, kuwerera kumanyuma na kukaŵa wakutchuka pamoza na muwiro uheni uwu uwo ise tikukhala nawo.

Apo, uku ndi kwananga kukuru kwa mazuŵa githu. Ndi kwananga kukuru pakati pa ŵanthu ŵithu, vyacharu, umo Baibolo likayowoyera Laodi-. . . Muwiro wa Laodikeya ukaŵira. Uwu ngwa vyacharu, “Usambazi, ukusoŵeka kanthu yayi; ukumanya yayi kuti uli nkhuli, wachitima, msokwano, na wachiburumutira.” Uko ndi kwananga kwa nyengo yithu. Para imwe mukupulika Mazgu gha Chiuta ghakumuchenjezgani imwe ku ichi, nthaura imwe mukutora nthowa yinyake, imwe ndimwe ŵambura kutchuka ku charu. Imwe mukuyezgeka kuti muwerere kumanyuma.

¹⁴⁶ Ine nkhumanya, imwe mukurutirira kuyowoyanga kwa ine, ine nkhumanya kuti imwe mukuyowoya, “Nyengo zose.” Ine nkhumanya kuti imwe mukufika pa kuvuka na ine kuwerezganga pa vinthu ivi. Ine nkhuwuka kumuwonani imwe mukuchita ichi, naneso, uwo mbunenesko, kwananga uku uko ine nkhuwezga kumuphalirani imwe. Mukuti, “Kasi iwe ukuwerezgapo ichi pa chifukwa uli?” Reka kuchita ichi, penepapo. Ine nkhuwezga kuti niponoske umoyo winu, mwa Mazgu. Ine nkhuwuka, naneso. Nthaura, nyorokani waka. Uku ndi kwananga, kungachitikanga yayi. Enya, bwana.

¹⁴⁷ Ise tikwenera kuti titonde vinthu ivi. Ise tikukhazga kuti tiyezgekenge na ivi, charu. “Imwe mukutemwa charu, vinthu vya charu, chitemwa cha Chiuta nth chiri mwa imwe,” wakayowoya Yesu.

¹⁴⁸ Sono ise tijarenge waka, ndipo tiyowoyenge ichi. Kuli njombe ya wakutonda.

¹⁴⁹ Rekani ine nimuŵazgireni chinyake apa imwe. Jurani Mabaibolo ghinu. Tiyeni tirute ku Chivumbuzi, 3, chipatulo 2. Wonani apa sono, vinthu vyose ivyo ine nakhala nkhuwoyoya, kuti titonde. Sono jilaŵiskeni waka mwaŵene ndipo wonani. Jisandeni mwaŵene mu galasi lakulaŵiskira lauzimu, muwone usange imwe mwatonda.

¹⁵⁰ Sono, uthenga wakudankha, ku—ku mungelo wa Efeso, ine nkhuukhumba kuti imwe mutegherezge ku icho Iyo wakayowoya. Ndipo Chivumbuzi, chipatulo 2, vesi 7. Ichi ntcha ku muwiro ula wa mpingo, para Iyo wakaŵaphalira iwo vyose ivyo iwo ŵakachita, “Wakareka chitemwa chawo chapakudankha.” vesi 7:

Iyo mweneuyo wali na khutu, rekani iyo wapulike icho Mzimu ukuyowoya ku mipingo; Kwa iyo (munthu, nth ku mpingo). . . Kwa iyo mweneuyo wakutonda—

wakutonda Ine nimupenge kuti warye khuni la umoyo, leneilo liri pakati pa paradiso wa Chiuta.

Mukuwona? Wâkutonda mu Efeso.

¹⁵¹ Sono, wakurondezgako ukaŵa Smurna. Sono, ku wâkutonda mu ula, ise titegherezge ku ichi. Sono, vesi 11.

Kwa iyo—iyo mweneuyo wali na khutu, rekani iyo wapulike icho Mzimu ukuyowoya ku mipingo; Iyo mweneuyo wakutonda wazamkupwetekeka yayi na nyifwa yachiwiri.

Mukuwona? Iwo wâtonda iyi.

¹⁵² Sono, kuti, sono laŵiskani ku Pergamo, ise tiwonenge icho wakutonda wakamulekera iyo, mu uwu. Ise tiwazgenge vesi 17, ku mpingo wa Pergamo.

Iyo mweneuyo wali na khutu, . . .

Kuti, uyo ndi munthu payekha, ntha gulu lose. Munthu payekha, uyo ndi Mkwatibwi wakuwonekera, imwe wonani, Mpingo.

Rekani iyo mweneuyo wali na khutu, wapulike icho Mzimu ukuyowoya ku mipingo; Kwa iyo mweneuyo wakutonda ine nimupenge kuti warye manna ghakubisika, ndipo nimupenge iyo libwe lituwa, ndipo mu libwe zina liphya lakulembeka, leneilo kulije munthu wakumanya kupaturako iyo mweneuyo wakupokera ili.

Icho ntcha wakutonda, wa muwiro wa mpingo.

¹⁵³ Sono, wakurondezgako ndi Thuatera. Tiyeni tiwone icho wakutonda wakaŵa nacho mu nyengo yira. Tiyeni titore vesi 26.

Ndipo iyo mweneuyo wakutonda, ndipo wakusungirira milimo yane kufika ku umaliro, kwa iyo ine nimupenge nkhongono kulamulira mitundu: (Uwo mbunenesko.)

Ndipo . . . waŵalamulirenge iwo na ndodo ya chisulo; ndipo ngati chiwiya cha muwumbi iwo ŵazamkupwanyika mu vidŵsuswa: nanga ngati ndiumo ine nkhapokera kufuma ku Wadada.

Wonani, “Na Iyo, mu chizumbe Chake.” Khristu ndiyo walamulirenge mitundu, na ndodo ya chisulo. Ndipo apa pali Mpingo uwo watonda, “Wakhala mkati mula, na Iyo, kuti waphwanye mitundu na ndodo ya chisulo.”

¹⁵⁴ Sono tiyeni tiwatorere iwo ku mpingo wa Sardis. Sono vesi 5 la chipatulo 3.

Iyo mweneuyo wakutonda, mweneyura wazamkuwarikika chakuwara chituwa; ndipo ine ntha nizamkufufuta zina lake kufuma mu buku

la umoyo, kweni ine nizamkuzomerezga zina lake panthazi pa Wadada wane, na wangelo watuwa.

Icho ntcha wakatonda mu Sardisi.

155 Sono, tiyeni titore sono vesi 12. Sono, ichi ntcha ku mpingo wa—wa Filadelfiya, mu vesi 12.

Iyo mweneuyo wakatonda ine nimupangenge iyo kuwa mzati mu tempile la Chiuta wane, ndipo wati warutengesu kuwaro yayi: ndipo ine nilembenge pa iyo zina lane, zina la Chiuta wane, na zina la msumba wa Chiuta wane, weneuwo ndi Yerusalemu muphya, uwo ukwikha kufuma kuchanya kwa... Chiuta: ndipo ine nilembenge pa iyo zina lane liphya.

156 Wonani icho wakatonda wakulayizgika. Mukuwona?

Sono, sono Laodikeya, uwo ndi muwiro wa mpingo waumaliro. Muzamkuwa wakatonda wanyake mwenemula. Wonani apa. Iwo, kumbukirani, muwiro uliwose wa mpingo, weneuwo ukwiza pamanyuma pa uwu ukuhara vyose ivyo yinyake yikapereka. LaWikani pachanya apa. Sono, apa, ndi pamanyuma pakuti iwo wakati wapokera nkhongono zose izi, mazina ghaphya agha, na chirichose chakulembeka, icho Iyo wakalayizga, na kurya manna ghakubisika, na vyose kurutilira. Wonani muwiro uwu wa mpingo waumaliro, Chivumbuzi 3:21.

Kwa iyo mweneuyo wakatonda ine nimuzomerezgenge kuti wakhale na ine mu chizumbe chane, (amen), nanga ngati ndiumo ine nkhatondera, ndipo nakhala pasi na Adada wane mu chizumbe chawo.

Iyo mweneuyo wali na khutu, rekani iyo wapulike icho Mzimu ukuyowoya ku mpingo.

157 Kuli njombe ya wakatonda. Limbikira, luwazoto. Usange ichi chiri mwa iwe, sezgera kumphepete mathope na chinyake chirichose, ndipo tukuzga kurazga pachanya. Enya, bwana. “Kuti wakhale na Ine pa chizumbe Chane.”

158 Imwe mukumanya, nyengo yimoza, nyinawo wa Yakobe na Yohane... Ise ntha tiwernge na nyengo kuti tiwazge ichi. Nyinawo wa Yakobe na Yohane wakiza ndipo wakapempha malo agha. Imwe mukumanya icho? Mukukumbukira icho? “Fumu, zomerezgani mwana wane wakhale kulwandi limoza, ndipo mwana wane munyake wakhale kulwandi linyake.” Pali kukhumba kwa mama kukhumbira mwana wawo.

Kweni wonani. Kweni, “Malo ghara,” Yesu wakati, “ghakasankhikirathu.” Malo agha ghakawako yayi pa nyengo yira. Chifukwa? Wonani. “Agha ghazamkuperekeka kwa iwo weneawo ghakanozgekera iwo.” Vichi? Mweneuyo wakhalenge ku woko lamaryero, ndipo munyake kufupi chomene na Iyo, wakawa ndithu wakatonda. Mukuwona? Uyu wakawa

ndithu...Iyo wakati, “Ine—ine nkhubereka yayi agha. Ine ningapereka yayi agha, kweni agha ghazamkuperekeka para kuyezgeka kwafika.” Amen. Mukuwona? “Ine ningapereka yayi agha. Kweni para kuyezgeka kwafika, iwo wazamukhala ku woko lamaryero na lamazere. Kuli mbewu yakusankhikirathu yikulindizga kumalo kunyake. Agha ghazamkuperekeka kwa iwo weneawo chiri kuwalayizgikira. Ighe ghamkuperekekeru kula, kweni kuyezgeka kuchali kundafike; kuti, iyo wachali wandatonde.” Mukuwona?

¹⁵⁹ Munthu uyo wakayenera kuti watore malo agha lwandi limoza, ndipo munyake kuti watore agha lwandi linyake, kufupi kwa Iyo mu Ufumu, agha ghakaŵa ghandaperekeke, wonani, wakaŵa wandatonde. Chiyezgo chikaŵa chichali chindafike. “Ichi chizamkwiza kunthazi.”

“Usange ise tikusuzgika chifukwa cha Khristu na Mazgu Ghake, ise tizamuwusa pamoza na Iyo, pakuti Iyo ndi Mazgu.” Kumbukirani, “Usange ise tikusuzgika chifukwa cha Iyo na Mazgu Ghake, ise tizamuwusa pamoza na Iyo, mu Mazgu Ghake.”

¹⁶⁰ Wonani. Iyo, Chiyezgerero chithu, wakatonda, ndipo pamanyuma wakakwera kuchanya, pamanyuma pakuti Iyo wakati watonda nyifwa, gehena, urwari, dindi. Chirichose, Iyo wakatonda. “Pamanyuma Iyo wakakwera kuchanya, ndipo wakarongozga wamikoli umikoli, wakapereka vyawanangwa ku wanthu.” Chira chikaŵa Chipangano Chakale, pamoza na watuŵa wa mu Chipangano Chakale awo wakatonda. Iwo wakamulindizga Munthu wantheura, ndipo iwo wakafwa pambere Uwu ukaŵa undafike kula. Kweni para Munthu uyu wakati wafika, “Ichi chikaŵatondeska yayi iwo awo wakaŵa mutulo.” Amen. Wangaŵataya yayi, munthowa yiriyose. Kukhala wamoyo panji kufwa, kasi ichi chikupanga mphambano uli? “Chizamkuŵatondeska yayi.” Mukuwona? Iwo wakalindilira lira.

¹⁶¹ Nanga ndi Job kale kula, iyo wakalindizga ichi. Iyo wakati, “Ine nkhumanya Muwomboli wane ngwamoyo, ndipo pa mazuŵa ghaumaliro Iyo wazamuyimilira pa charu chapasi.” Kukaŵa munthu murunji, munthu wakufikapo. Iyo wakapereka sembe. Iyo wakachita chirichose icho Chiuta wakamuphalira iyo kuti wachite. Iyo wakachita ichi mwa ntchindi na mwaulemu. Iyo wakaŵa muprofeti. Ndipo nthaura Satana wakiza, kuti wamuyezge iyo. (Ngati ndiumo iyo wakwizira kuti wamuyezgeni imwe.) Kasi iyo wakachita vichi? Iyo wakarutirira kuyimirira apo.

Nanga ndi muwoli wake wakiza, wakati, “Uli iwe umutembe Chiuta ndipo ufwe nyifwa? Iwe ukuwoneka wachitima chomene wakhala apo.”

¹⁶² Iyo wakati, “Iwe ukuyowoya ngati mwanakazi wakupusa.” Sono, iyo nthā wakayowoya kuti iyo wakaŵa wakupusa, kweni iyo wakayowoya ngati yumoza wakupusa. Mukuwona? Wakati, “Iwe ukuyowoya ngati mwanakazi wakupusa.” Wakati, “Yehova wakapereka, ndipo Yehova watora; litumbikike Zina la Yehova.” Iyo wakatonda.

¹⁶³ Iyo wakatonda icho ŵazengezani ŵakati ŵayowoye. Iyo wakatonda ivyo mamembara ghoŵe gha mpingo, Bildad na iwo wose, ŵakayowoya. Iyo wakatonda bishopu na icho iyo wakati ŵayowoye. Iyo wakatonda kadinolo na icho iyo wakati ŵayowoye. Iyo wakatonda bungwe, icho iwo ŵakayowoya. Ndipo iyo wakakhala na kurunjiskika kwa Mazgu. Amen. Kweni, ichi chikamutayiska chinthu chirichose iyo wakaŵa nacho, nanga ndi ŵana ŵake. Iyo wakakwantha mathuvya ghake na chigamu, wakhala pa ichi, ndipo kweni iyo wakatonda. Ndipo para ora likuru la kuyezgeka paumaliro likati lakwaniriskika, nthaura mabingu ghakajurika.

¹⁶⁴ Iyo wakalaŵiska pa chinthu chirichose chazeru. Iyo wakati, “Muli chigomezgo mu khuni usange ili lafwa; ili likukhalaso lamoyo. Ndipo mbewu yikuwa mu dongo, iyi yikuvunda; iyi yikukhalaso yamoyo. Kweni munthu wakufwa ndipo wakupereka mzimu; iyo wakumara. Ndipo ŵana ŵake ŵakwiza, ŵana ŵake ŵanarumi, kumuchindika na kumulira iyo; iyo wakachiwona yayi ichi. Iyo nthā wakuwukaso. O, iyo wali apo. Kasi suzgo ndi vichi? Ine ndine mbewu, naneso. Ine ndine chinyake, kuti iyi ndi mbewu, ndipo ine nirutenge ku dongo. Ine ningawukaso yayi. Ine nikhallenge mula. O, nibiseni ine mu dindi, nisungeni ine mu malo ghakubisika kufikira kuti ukali Winu ujumpe. Muniŵikire nyengo ndipo muniyeruzge ine. Umo malibwe ghakuswekera, maji ghakuswa malibwe.” O, iyo wakarutirira, kuyowoyanga vinthu vyose ivi. Iyo wakamanyanga kuwona viyezgerero vyose kuwaro kula, icho chikaŵako. O, iyo wakapulikiskanga yayi ichi.

¹⁶⁵ Ndipo, Mlongosi Rogers, kumbukirani para ine nkhati nkapharazga icho pa nyifwa ya Busty. Mukuwona?

¹⁶⁶ Umo, kuti, “Iyo wakaswanga malibwe,” umo vinthu ivi. “O, O Imwe, nibiseni mu dindi, ndipo nisungeni ine mu malo ghakubisika.” Iyo wakarutirira kulimbikiranga. Iyo wakati, “Ine nakhumbanga nthena nangumanya. Ine nakhumbanga nthena nangumanya uko ine nkhuruta, kwa Munthu uyo wangamanya kuŵika mawoko Ghake pa ine, munthu wakwananga, ndipo Chiuta mutuŵa, na kuyowoya kwa Iyo chifukwa cha ine.” O, mwe! “Iyo wali Kula. Ine nkhumanya Iyo waliko Kula. Waliko Muniyake Kula uyo wangachita icho. Waliko Muniyake kumalo kunyake. Kasi ine ningamusanga nkhu Munthu yura? Kasi ine ningamusanga nkhu? Ine nikhung’uskenge pa chijaro Chake ndipo nimuyowoyeskenge Iyo. Usange Muniyake wangaŵika waka woko Lake pa ine, na pa Chiuta, na—na kunipangira

nthowa ine, kumuyowoyiska! Usange ine ningamusanga waka Munthu yura! O, kasi Iyo walinkhu?”

¹⁶⁷ Iyo wakapenja mu mpingo wake. Iyo wakapenja mu bungwe lake. Iyo wakatondeka kusanga Munthu wangati yura.

¹⁶⁸ Ndipo pa nyengo yimoza, mabingu ghakajurika, ndipo iyo wakawona Munthu yura wakwiza. O! Mtima Wake wakale ukasekerera. Ntheura chinyake chikachitika. “Ine nkhumanya Muwomboli wane ngwamoyo. Waliko Munthu wantheura.” Amen. Waliko ndithu Munthu wantheura. “Ine nkhumanya Muwomboli wane ngwamoyo. Ndipo nangauli, pamanyuma pakuti mphorozi za thupi zingananga thupi ili, kweni mu thupi lane ine nizakumuwona Chiuta, Uyo ine nizakumuwona ndamwene. Iyo wazamuyimilira pa charu chapasi mu nyengo yaumaliro.”

¹⁶⁹ Pa mlenji ula wa Isitara, para Iyo wakati wawuka kula, ndipo thupi la Job ntha likaŵa nanga ndakukwana vyoto vyakuzura sipuni, iyo wakalindizganga. Iyo wakaŵa Gulu lira lakusoreka. Iyo wakawuka mu dindi ndipo wakanjira mu msumba, na Abraham, Isaac, Jacob, Job. O, mwe! Amen. Pakuti, iwo ŵakalindizganga Munthu wantheura.

¹⁷⁰ “Ndipo kwa iwo ŵeneawo ŵakulindizga Khristu ku nyengo yachiŵiri,” awo ŵangamanya kutonda vinthu vya charu ichi, mwa uchizi Wake, kuti ŵanjire mwa Iyo, na kujara maso ghinu ku chinyake chirichose kupaturako Iyo na Mazgu Ghake, “Iyo wazamuwonekera nyengo yachiŵiri mu Uchindami.”

“Pakuti mbata ya Chiuta yizamulira, ŵakufwira mwa Khristu ŵazamuwuka; iwo ŵeneawo mbamoyo ndipo ŵakukhalirira ŵazamusinthika, mu kanyengo, mu kuphayira kwa jiso, kukwapulikira muchanya pamoza, kuti ŵakakumane na Iyo mu mlengalenga.”

¹⁷¹ Kwali ine ndine vyoto vyakuzura sapuni, panji kwali ine ndine wamoyo para Iyo wakwiza, ichi chikupanga mphambano yayi kwa ine. Amen. Chikunitangwaniska yayi, chifukwa ine nayiwona mboniwoni. Chisaru chikajurika, ndipo ine nkhumuwona Iyo. Yumoza uyo wakamanya kuyimirira, na kuŵika woko Lake pa ine, munthu wakwananga, na pa Chiuta mutuŵa. Ndipo Iyo ndi chakuphepeskera chane. Iyo ndi Mazgu agho ine nkhumomezga. “Mu mtendeko mukaŵa Mazgu.” Iyo ndi Mazgu ghara, ndipo Iyo wakuyimira ine, Kula. Amen. Ndipo ine nichemerezgenge ichi, malinga ine niri na mvuchi, “Iyo ndi Chiwuka chane na Umoyo wane.” Ndipo malo ghanyake ghose ndi muchenga wakutitimira. Malo ghanyake ghose ndi muchenga wakutitimira.

¹⁷² Umo Iyo wakaŵakorera iwo ŵeneawo ŵakalindizganga icho, ntheura Iyo wazamkwiza kwa mutuŵa waliyose wa Chipangano Chiphya uyo watonda kususka kulikose kwa bungwe, uyo wali kutonda zakwananga zose za kutchuka

za nyengo iyi, za muwiro uwu umo ise tikukhala sono, ngati ndiumo Iyo wakachitira mu miwiro yinyake yose ya mpingo, iwo weneawo wakatonda mu muwiro ula wa mpingo. Iwo weneawo wakutonda vichi? “Ine ndine musambazi. Ine nkhusoweke kanthu yayi. Ine niri. . . O, ine ndine chose *ichi* na chose *ichi*. Ndipo ine ndine Mkwatibwi. Ine ndine *ichi*. Ine nkhusoweke kanthu yayi.’ Ndipo ukumanya yayi kuti uli nkhuli, wachiburumutira.”

¹⁷³ Mukuwuwona muwiro wakunyenga ula uwo ine nkhayowoya? Ntha uli ngati ndi iwo weneawo wakadumulika mitu yawo, kale kula, kuti wapokere libwe lituwa; ntha iwo weneawo wakafwa mu nyengo ya wakufwira chigomezgo, ndipo wakawotchequera ku makuni, na vinthu vira; awo wapakokera mphumphu. Kweni ndi muwiro uwu wakunyenga sono, awo wakughanaghana kuti iwo wali chirichose. “Enya, ine ndine membara wa mpingo. Ine ndine mwanarumi muweme. Ine ndine mwanakazi muweme. Ine nkchuchita *ichi*. Ine ntha nkhuayenera kuti nichitenge *Ichi*.”

¹⁷⁴ “Kweni iyo mweneuyo wakutonda,” iyo mweneuyo wakutonda vinthu vyose vira vya charu vya muwiro uwu, kasi iwo wazamuchita vichi? Wose wazamkukhala na Iyo mu chizumbe Chake; wazamuruta mu Mkwatulo para Iyo wakwiza. O, mwe! Kasi ine nkHUDandaula vichi, pamanyuma? Kasi ise tidandaulenge vichi icho charu chikuyowoya? Kasi ise tidandaulenge vichi icho munyake wakuyowoya? Mzimu Mutuwa muku wali pakati pithu. LaWi Lake la Moto likutirongozga ise na kutidangirira ise. Mazgu Ghake ghakukhozgeka panthazi pithu. Chitemwa chake chiri mu mtima withu. Charu chiri kuwaro. Ise tajumphu nyifwa tafika ku Umoyo. Charu chikughanaghana kuti ndimwe wakufuntha.

Kweni kasi Yesu wanyamure yekha mphinjika
iyi,
Ndipo charu chose chirute kwambura
kusuzgika?
Yiriko mphinjika ya waliyose,
Ndipo yiriko mphinjika ya ine.

¹⁷⁵ Virimika sate-firii mu malo ghakukatamikira, ndipo mphinjika iyi yakupatulika ine ninyamurenge mpaka nyifwa yizakanimasure ine.

¹⁷⁶ Rekani wabale wane wanikane ine, wayowoye chirichose iwo wakukhumba kuyowoya, kuti wanikane ine. Kweni pa Mazgu *agha* ine nkhuylimilira, ndipo Igho pera.

Mphinjika iyi yakupatulika ine ninyamurenge,
Mpaka nyifwa yizakanimasure ine,
Ndipo pamanyuma kuruta Kukaya, mu
Mkwatulo, mphumphu kuti nkhave.

177 Icho ndicho ise tose tikukhumba, ndicho yayi ichi? Icho ndicho ise tikukhumba. Icho ndicho chithu—icho ndicho chigomezgo chithu na pempho. Ise tilije maghanoghano ghanyake, kweni limoza lira pa Yesu Khristu. Ndipo pa urunji Wake ise tikuyimirira, yekha, na urunji Wake mu Mazgu Ghake. “Ndipo Mazgu ghakazgoka thupi ndipo wakakhala pamoza nase.” Ndipo Mazgu ghachali kujikhozgera Ighoghene.

178 Kutonda uli? Pakuchita kutora Mazgu, phangano, mu kujikhizga, kwenda mwakujikhizga.

Mphinjika iyi yakupatulika ine ninyamurenge,
Mpaka nyifwa yizakanimasure ine,
Pamanyuma kuruta Kukaya, mphumphu kuti
nkhavware.

179 Pakuti, “Para Mbata yira yalira!” Imwe mungamanya kundiwika ine mu nyanja, kweni Mbata yizakundiwuska ine. Mbunenesko. Ine nkhouruta Kukaya, dazi limoza. Amen. Kufikira nyengo yira, ine nilimbikirenge, amen, kunyamuranga na mphinjika iyi; kudodoliska maso ghane nthu pa wanthu, kweni pa Mphinjika kula, pakuti Iyo wakaŵa chiyezgerero chane. Iyo wakaniwoneska umo ningachitira ichi. Ndipo chiyezgerero Chake, ise tirondezgenge ichi mwakukondwa, dazi na dazi.

Ine nkhourondezga Yesu stepu yiriyose ya
nthowa.

Ine nkhourondezga Yesu stepu yiriyose ya
nthowa.

180 Mukuyitemwa yayi iyo imwe? O, umo ine nkughanaghanira, kumurondezga Iyo, dazi na dazi, stepu yiriyose ya nthowa.

Tiyeni tirombe.

181 Fumu Yesu, ora na maminiti fifitini sono, nayimirira pano, kuyezganga kutora Mazgu Ghinu na kurongosora ku wanthu umo wangatondera. Imwe mukatiphalira ise umo ichi chikuchitikira. Imwe nthu mukatiphalira waka pera ise, kweni Imwe mukatiwoneska umo ichi chikachitikira. Imwe mukatirongozga ise. Imwe mukatiwoneska ise umo tingachitira ichi: pokerani Mazgu mkati mwithu, ndipo woneseskani kuti mukukoreska ku Mazgu ghara, “Kuli kulembeka,” mu kuyezgeka kulikose; kweni muŵe wakujikhizga, yendani mwakujikhizga. Ntheura ise tatonda, kwizira mwa Imwe, kwizira mu nkhangono Yinu iyo yiri kumutonda kale murwani withu. Ndipo chinthu chimoza pera ise tikwenera kuchita ndi—ndi kuyenda waka wakujikhizga na chipulikano, kugomezganga Icho, na chisimikizgo chithu cha kujimanyiska kwa Mzimu Mutuŵa, ndipo Satana wakwenera kuti wafumepo.

182 Pali mathaulo ghali apa. Igho ghakuyimira wanthu warwari. Iwo mbakusoŵerwa, Fumu. Ndipo iwo wakawazga mu Mazgu agha ghambura kutondeka uko iwo wakatora kufuma ku thupi la Paulos Mutuŵa mathaulo na salu. Agha ghakawikika pa

ŵanthu ŵarwari. Mizimu yiheni yikafumamo mwa iwo, ndipo minthondwe yikuru yikachitika. Sono, Imwe ndimwe Fumu Yesu mweneyura muhanyauno.

¹⁸³ Paulos wakapharazga Mazgu agha, ndipo wakalemba Mazgu agha, Mazgu gheneghara agho ise tikuyezga kurondezga. Chifukwa, iyo wakatora Chipangano Chakale ndipo wakanozgera ichi, ndipo wakarongosola ichi chikaŵa chilinganizgo, kuti Chipangano Chakale chose chikaŵa chilinganizgo cheneko cha Chiphya. O Fumu, nkhuromba ise tirondezge chiyezgerero icho.

¹⁸⁴ Ise tikuwona Fumu yithu, icho Iyo wakachita. Ndipo ise tikuwona kuti, ŵatuŵa ŵara ŵa mu Chipangano Chakale, mlenji uwu, ise tikuwona kuti iwo nadi ŵakaruta. Para Yesu wakati wauka, iwo ŵakaruta na Iyo. Ndipo, Fumu, ise tikugomezga kuti ise tizamuruta para Iyo wakulizga Mbata. Ise tikugomezga ichi, kuti Mkwatibwi wazamuwuka pa Dazi lira ndipo tamujoyinana nalo—gulu la Chihebere la Ichi, ndipo, pamoza, kwamkuŵa Mugonero wa Ukwati mu Uchindami. Iwo ŵakulindizga.

Ise tikuromba lusungu Lwinu sono na uchizi pa ise. Ŵakutonda, Fumu, ŵakutonda, ise tikukhumba kuti tiŵe. Titonde ise. Fumu Yesu, Imwe mukatonda charu. Sono ine nkhuromba kuti Imwe muzomerezegenge munthu waliyose muno, mlenji uwu wasezgere kumphepete kwananga kulikose, tisezgere kumphepete uzitu uwo ukutitimbanizga mwaluŵiro ise, mwakuti ise tingamanya kuchimbira na chizizipizgo chipharizgano icho chaŵikika kunthazi kwithu.

¹⁸⁵ Paulos wakayowoya ichi, Ŵadada ŵithu Ŵakuchanya, kula mu Buku la Ŵahebere, kuti, “Ise tisezgere kumphepete uzitu uliwose,” chipatulo 12 chira, icho iyo wakayowoya ichi, para iyo wakati wawoneska kale kwizira mu chiyezgerero, kale kula: iwo ŵeneawo ŵakarutilira; iwo ŵeneawo ntha ŵakarutilira; iwo ŵeneawo ŵakarondezga kwambura kugomezgeka kwa mtima; iwo ŵeneawo ŵakarondezga kunthazi; iwo ŵeneawo ŵakakhalira kumanyuma. Wose, iyo wakawoneska viyezgerero. Ntheura iyo wakang’anamuka ndipo wakati, “Tiyeni tisezgere kumphepete uzitu uliwose, kanthu kalikose kachoko chomene ako kakutitimbanizga ise, mwakuti ise tingamanya kuchimbira na chizizipizgo chipharizgano icho chaŵikika kunthazi kwithu; kulaŵiskanga kwa Iyo, Chata na Mufiski wa Chipulikano chithu, Uyo wakatipa ise chiyezgerero.” Ise tikuchita icho mlenji uwu, Ŵadada.

¹⁸⁶ Sono, na mitu yithu yakusindama, sono jisandeni mwacheru chomene, chomene, mwacheru chomene. Ndipo, pamanyuma, muŵe ŵaneneska mwakufikapo. Ichi mbwenu—ichi chikutorera waka. . .Ndicho chekha chikukhumbikwa: kujisande kwinu na kugomezgeka kwinu. Muŵe ŵakusamaliska chomene apo

imwe mukujisanda sono. “Nisandeni ine, Fumu. Niyezgani ine. Kasi chirimo chiheni mwa ine? Usange chirimo, Fumu, nizomerezgeni ine niponye pasi ivi, nkhanira apa sono. Malo agha, apo ine nasindama, mpha guwa Linu. Ine nkhuwika ichi pasi, nkhanira apa sono, nkhuwika marundi ghane pa ichi. Para ine nkufumapo, ichi chikhallenge kula. Nkhongono ya Ndopa Zinu yimyangurenge ichi. Ine nkukhumba kuti niwe chatonda. Ine niri na chinyake icho chikunitangwaniska ine, Fumu. Ine nkukhumba kuti nitonde, mlenji uwu. Ine ningachita, kwizira mwa Imwe. Ine naphalirika icho, mwa Mazgu Ghinu. Ine nkhuwika ichi pasi sono, Fumu, ndipo ine nkhuwika marundi ghane pa ichi. Apo ine nkuruta kuwaro kwa nyumba iyi mlenji uwu, nkuruta, kumanya kuti ichi chawikika mu—beseni la mankhwala ghakuchapira gha Chiuta. Ichi chizamkukumbukikaso yayi munthowa yiriyose. Ine sono nkuvumbura ichi ndipo nkhuromba lusungu.”

¹⁸⁷ Na mitu yithu yakusindama, maso ghithu ghakujara; mitima yithu kughanaghananga, icho ndi muryango ku uzima, imwe mukumanya. Kasi chiripo chinyake icho imwe mukukhumba kuti musezgere kumphepete mlenji uwu, chinyake icho imwe mukukhumba kuti mutonde? Ndipo imwe muli kuyezga ichi mwankhongono chomene, kweni, mlenji uwu, imwe mulekenge waka kuyezga. Imwe muzomereenge waka icho Iyo wakachita. Ine nkukhumba kuti imwe mukwezge waka woko linu, yowoyani, “Fumu, ine nkukhumba kuti nitonde. Chinthu chinyake chikunitangwaniska ine.”

¹⁸⁸ Fumu Yesu, Imwe mukughawona mawoko agho. Sono, ngati wantchito Winu, nayimilira pakatikati pa wamoyo na wakufwa, ine nkuchenya chirichose icho chikutangwaniska wanthu awa na ine. Ndipo ine nkhuromba ichi mu Zina la Yesu Khristu, ise tingamanya kuchileka ichi pasi pa guwa la Chiuta, na kuruta mlenji uwu, wakumasuka, ngati wakutonda.

¹⁸⁹ Usange walongosi withu nthawakawapo na uchizi nakale, nkhuromba uwu uperekeke sono, Fumu. Usange wabale withu wandawepo na uchizi, nkhuromba uwu uperekeke sono. Ndipo nkhuromba, mu kujiyuyura, mama na wana wake, m'malo mwakuwa wamtafu. Iyo wakumanya kuti iyo wakhala... Iyo ndi mupharazgi kwa wana wachokowachoko wana. Umoyo wake ndi chiyegerero. Dada ndi chiyegerero kwa mama, pakuti iyo ndi mutu wa nyumba. Mama wakhala wakuyezga kumulamulira mwanarumi; iyo wazamuchitaso yayi ichi munthowa yiriyose. Usange mwanarumi wakhala wakumugwiriska ntchito mwanakazi ngati chisalu chakupondapo, ichi chizamkuchitikaso yayi munthowa yiriyose. Mwanakazi ndi movwiri. Perekani ichi, Fumu. Mphanyi vinthu vyose ivi ivyo vikutijandiza ise, Fumu, vifumiskikepo.

¹⁹⁰ Ise—ise tikujipereka taŵene, Wadada, ku nyengo ya umoyo iyo tiri nayo kunthazi kwithu, kumanyanga ichi, kuti ise

tikwenera kuti tizakafike ku umaliro wa ichi, ndipo icho mwasonosono. Ntheura, mlenji uwu, ise titore mwaŵi uwu, pamanyuma pa Uthenga uwu. Ise tikutora mwaŵi, Fumu, kuti tifike, chifukwa ise tachemeka kuti tifike. “Ponyani masuzgo ghinu pa Iyo, pakuti Iyo wakukupwererani imwe.” Ine nkhumanya Imwe mukupwerera, Fumu. Imwe mukupwererera mwakukwanira kuti mutifwire ise. Ndipo ise mwakusimikizga tipwererere mwakukwanira kuti tifike na kuzomera icho Imwe mukafwira.

¹⁹¹ Tituŵiskeni ise, Fumu. Tizuzgeni ise kamozaso na Mzimu Mutuŵa. Nkhuromba Mzimu Mutuŵa wawuse waka mu mitima yithu, mu uzari wose, kuti ise tiyendenge, kuruwanga vinthu ivyo ndi vyakale, ukazuzi na mathope uko ise kale tikakhalanga. Ise tingangamikirenge kurazga ku lusimbo lwa ntchemo yikuru, uko Kuŵara kwithu kungamanya kuŵalira mu uweme na kujikhizga, kufikira kuti munthu waliyose wakujumpha kufupi wangamanya kuyowoya kuti, “Pali Mukhristu wakukhala kula pa phiri lira. Munthu yura, mwanakazi yura, mwanarumi yura, ndi luŵa leneko lakupatulika la Chiuta. Iwo mbaweme chomene na ŵachisungusungu chomene, nyengo zose mbakutemwa ndipo mbaweme, na ŵakupulikiska.” Perekani ichi, Ŵadada. Tiyeni tiŵe muchere, mwakuti charu chingamanya kuŵa na nyota; perekani ichi, Ŵadada; ndipo titonde vinthu vya charu ichi, na vichitochito vya umoyo uwu. Mu Zina la Yesu Khristu. Amen.

Ine ningamanya . . .

Sono tiyeni tikwezge waka woko lithu.

. . . Muponoski . . .

Kuchema vichi? “Fumanimo, mu mathope.” Umoyo wapachanya; Chinyake chiri mwa imwe, chikumuguzirani imwe kudera uko. Kasi ichi ntchichi? Ndi Iyo. Pasi mu mathope, maluŵa ghachokoghachoko; imwe muli na Umoyo mkati mula, ukutukuzganga kwa imwe. Icho ndicho chikumuchemani imwe, “Tumphukani, kufuma mu mathope.”

“ . . . rondezgani, rondezgani . . . ”

¹⁹² Sono, kasi imwe mukung’anamura ichi? Sono jarani maso ghinu.

Uko Iyo wakunirongozgera ine nirutenge,

Sono jiperekeni mwaŵene. Nng’anamurani icho, sono.

Uko Iyo wakundirongozgera ine nirutenge,

Uko Iyo wakunirongozgera ine nirutenge,
Ine niriutenge na iyo, na iyo nthowa yose.

Uko Iyo wakunirongozgera ine ine . . .

Mwakukondwa waka sono. Kumbukirani, Jikhazikeni mwaŵene uko.

. . . Iyo wakurongozgera . . .

“Ine niwikenge ichi apa, Fumu. Ine nirondezgenge Imwe, kufuma sono na kunthazi. Ine nkhezomera Ichi. Ine nkhezomezga Ichi.”

Uko Iyo wakunirongozgera . . .

Kumbukirani, umoyo winu uyowoyenge mwakukwezga chomene kuruska mlomo winu. Icho imwe mukukhala umoyo chisimikizgirenge ku wanthu kuruska icho imwe mukuyowoya.

Rutani na Iyo, na Iyo, (Nthowa . . . Nkhu?)
nthowa yose.

¹⁹³ Jiperekeni waka mwaŵene, mwakufikapo, mwakugomezgeka, mtima winu wose. Uli usange iyi yikaŵa nyengo yinu yaumaliro kuti imwe mukazomezgeka kuti mupemphere? Iyi panyake yingaŵa nthura. Ine nkhezomezga ndiyo yayi. Iyi panyake yingaŵa. Nthura, muŵe wakupimikizga sono, wakupimikizga kweneko, wakupimikizga kweneko. Kumbukirani, muryango uzamujarika, dazi limoza, mwanthura nyengo yizamkuŵa kuti yamara. “Rombani, imwe mupokerenge.”

¹⁹⁴ Ghanaghanani waka za uchindami wose uwo Iyo wali kupereka kwa imwe, chirichose Iyo wali kuchita. “Ine nkhezomezga, Fumu. Ine nkhezomezga. Ine nkhezomezga kuti Imwe ndimwe wakunitondera wane. Ine nkhezoyenda waka na Imwe, Fumu. Ine nkhekumba kuti nikhale kufupi na Imwe, mwakuti uko Imwe muli, kwenekuko ndiko ine nkhekumba kuti niŵe.”

¹⁹⁵ Ndipo kumbukirani, Imwe mukatiphallira ise, Wadada, kuti, “Ise tamkukhala na Fumu muyirayira, para ise takwapulikira muchanya.” Ise tiri waka na—kumuwona pachoko Iyo sono, apo Iyo wakwenda na ise sono. Kweni pamanyuma ise . . . Ndi chinthu chikuru uli icho chiriko, kumanya waka kuti Iyo wali pithu—pakati pithu! Kasi kwamkuŵa uli para ise tamkuŵa na Iyo muyirayira? Ise tikuyitemwa waka chomene milimo yithu yose: ise tingamanya kuruta kukayendeska magalimoto; ise tingamanya kuruta kukagura vinthu; ise tingamanya kuruta kukazengera, kukaŵeja somba, panji chirichose ise tingamanya kuchita mu vyakusekereska. Kweni, o, para tchalitchi lajurika, ise tikukhumba kuti tikakumane na Fumu yithu. Icho ndi chikuru chomene pa vinthu vyose. Nthura, ghanaghanani, Iyo wakatilayizga ise. “Ndipo muyirayira kukaŵa na Fumu. Kukhala na Iyo mu chizumbe Chake, ndipo kuŵa na Iyo muyirayira.” O Chiuta, ise mwakujikhizga, na—na mitu yakusindama, ise tikuzomera ichi, Fumu, mu Zina la Yesu Khristu.


¹⁹⁶ Kasi imwe mukuwona kuti ngati mungasida waka, sono, chirichose, chakumunyekezgani chirichose? Imwe mungamanya kwenda waka pachanya, pachanya pa ichi sono? Usange imwe mukuchita, kwezgani muchanya woko linu, yowoyani,

“Mwa uchizi wa Chiuta ine nkhuwika pasi chiyezgo ichi. Ine nilimbanenge nacho yayi ichi, munthowa yiriyose. Ine nikorenge waka woko Lake, kuyamba kwenda.”

“Ine niri kurwa, M’bale Branham. Ine nkhayezga kuti nireke kukhweŵa. Ine—ine nkhayezga kuzomerezga sisi lane kuti likure. Ine niri kuyezga kuchita *ichi*. Ine nkhachita . . . Ine niri kuyezga, mwankhongono chomene, M’bale Branham. Ine nkhutondeka kuchita ichi.”

Kuyezga yayi ichi, munthowa yiriyose. Koraniko waka woko Lake, yowoyani, “Wadada, Imwe wikanani woko lane mu shati.” Mukuwona? “Ine nimupeninge waka woko lane. Ine nirutilirenge waka kwenda, Fumu, kulaŵiskanga kwa Imwe.” Ichi chichitikenge. Iyo wamuvwarikeninge imwe ngati Mukhristu mweneko. Imwe muwenge Mukhristu mweneko.

¹⁹⁷ Mpaka ine nizakamuwoneni imwe, usiku uwu, Chiuta wakumutemwani imwe ndipo waŵe namwe. Imwe ndimwe wana wane wa Ivangeli. Imwe ndimwe wakugulika.

Sono ine nkhubereka kwa mliska winu, nkhuwezgera kwa iyo, kuti watifumiske, M’bale Neville. . . ? . . . 

63-0825M Kasi Ine Ningatonda uli?
Branham Tabernacle
Jeffersonville, Indiana U.S.A.

CHITUMBUKA

©2026 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org